



07223

道腴堂詩編卷第七

詩星堂

雲中

鮑參

西園

忽祿齋稿

武林北郭別王柘村明府

年年投劾願初伸，鞠脛朝辭要路津。巾鞵從容放浪士，圖書跌宕羨官人。長而好學應無我，壯不如人最有臣。未得已公茅屋下賦詩，吟伴苦吟身。

明府相訂次日同訪詩僧亦語

漫興二首

烽火沙塲戰血寒，三秦何日罷兵欄。天威特給親軍仗，宗社新除上將壇。橫海鯨鯢行就戮，防秋士卒待傳餐。嫖姚百戰聲名在，雙鑣猶能一據鞍。

鄭公節鉞久專征，漢史虛傳衛霍名。佛國虔劉龍象泣，犴鄉負固虎狼橫。空聞國法頻誅叛，詎識天心未厭兵。狡黠孤軍曾歎塞，誰提一旅繫長纓。

道腴堂詩編卷第七

僧居雜詩二首

夢醒三生幻，身輕一事無。門辭敬客詩，付廖融奴賈。豎猶公論，廬見却異呼。安心調御室，飲水勝醍醐。

解印詩成集

編次官長與數年之詩曰吳興集

匆匆歲月流，乾坤雙轂轉。藪瀛湧一浮漚，常恐非生客。何妨識故侯，皇恩過三載。父老莫邀留。

贈沈雲浦

先生卜筮可通神，不媿成都肆裏人。借問湖州沈東老，收書釀酒

一生貧

圍爐

電露虛名只自貽，人間枉用溺燃灰。流年不住客，常老臘雪未消春。又來問事經時還，指口寄愁無路且。當杯衡山芋火邀僧話，檢點誰為宰相才。

師隱菴僧作午齋見邀蔬品精潔食之過飽捫腹行次用

報以詩

朝朝香積厨鼻觀領已既日中喜分減心苗更欣慰玉版東坡叅  
菽乳淮南乞燒猪笑佛印葷素自涇渭舌界與舌根甜苦知覺未  
若教噉虛空當復作何味

對客

區區雞肋任軒渠莫問蟬蟻與螻蛄白眼看他矜作達清言賴汝  
爲噓枯餘胥未必真堪憎老馬何常盡識途畢竟英雄曹吉利牀  
頭更有捉刀無

呂山

天涯心跡此俱閑問古求詩興頗豚一段溪光雲樹裏法生宗社  
阿蒙山

次韵答姚玉裁三首

飛騰三十過萬境等浮烟曆盡俄成歲人多不信天帶寬頻易孔  
衣敝屢無船直似黃楊樹蹉跎尼閏年

馬角雖堪卜終難得袂歸傾囊酬郡吏遣客典朝衣山水緣空結

道腴堂詩編卷第七

騰驥事故違天涯仗朋好棄置未應非

宦跡休言拙官資豈厭卑得閑稱上計無暇望高枝倔強終猶昔  
沉淪合坐詩相期一樽酒塊壘共澆之

脩美齋雪

側聞愛山臺在郡治後取東坡道場山詩語命名閭巷稱已熟何來旋馬地位置儼林麓

自余解公印假榻此間宿雖非逃空虛差足快心目臘縛歲云徂

人事少迫趣卧聽一宵雨平明雪壓屋掃徑憐小臧雙帚不遑速

騷屑竹響清峻峭石氣肅玉茗紅淺淡老梅香馥郁伶俜兩美人

明粧罷膏沐天然謝脂粉彌見姿態淑靜觀悟物理慨焉辨類族

余顧不適時膜外視榮辱裁釋民社憂隨分樂幽獨法吏空深文

浮名枉桎梏檻前一邱壑朗朗映冰玉潔白終莫汗悠然寄邁軸

雪後大雨連日齋中遣興

春工乍司權狡獪便如許試手初行雪旋復吹作雨灑臆朝爲珠  
溜檐暮如縷天意難測度人情易齟齬昨宵茶竈畢打耗喧臘鼓

見君大昌演繁露

家家謀卒歲奔走滿城府我胡獨蕭然優游澹容與息交門常關看山頰頰挂懶不整巾帶足不出庭戶非家又非客無賓亦無主始知罷微官勝於學輕舉萬事不挂心只愛梅信阻作詩告天公母乃太辛苦

### 戲夏其蘇三首

海上有鯨魚不蒙君獻替多事虞侍中一言以爲例  
一甌還一甌三篋復五車藉非虞世南誰爲行秘書  
牢丸與畢羅配以羊腔喫鞞角副鳴巾爲君加九錫

### 歲暮雨中三首

萬般雜選費排當一事差能獨主張自卜胷中吉祥宅莫爭身外  
是非場悲歌子美居同谷留犢陰鏗罷故鄣賸有殘書三十積朝  
朝不乏束脩羊

心閑麤覺百骸輕狗苟蠅營漫不驚請火未須煩里母鼻輿何必  
有門生東隣餽歲喧鵝鴨西鄙懸軍洗甲兵夜夜酒酣頻起舞詩

### 道腴堂詩編卷第七

三

成多是醉歌行

庭梅僂僂逞娟新消受吳興第四春醉士得全如苦李寄公無藉  
嘆勞薪羊求已逐君家客潦倒猶藉藉也見五總志終歸我輩人故物猶存鞞  
角暖虎靴脫却傲朝紳

### 除日與夏其蘇

歲月真如赴壑蛇浮生質質失津涯今年此日仍爲客舉世何人  
不憶家千里郵書逢下走者番送喜驗燈花我慙青髻君衰白割  
愛投閑計總差

### 元日同夏其蘇登峴山逸老堂

臨眺宜暇日歲朝身最閑而况罷官居俗事一例刪妻孥隔鄉縣  
獨處如孤鰥異地渺親串投謁稀往還卧聞爆竹聲頗知春已頒  
清曉盪漱畢晏坐思青山與世旣風馬連蕩任踰閑特命滿港飛  
吳興小舟名搖出城南闌顯山據津要草木牛毛斑見趙承旨吳興山水清遠圖記雪磴苦登  
頓捷徑防危艱從行小斯兒疾走輕鸚鵡吾濟履平實徐步無憂

患終能陟其頂笑彼真愚頑聳身少障蔽放眼空塵寰林巒雜粉  
墨巖谷同爛熳雲市有破碎岐渚多彎環峩峩萬橋竿排列蒼茫  
間瓦溝忽鳴雨清響落瑤潺嗟哉十日雪踞踣愁閉關少晴展遊  
目無何雨漩濺淋漓墊巾角黯黹埋烟鬟敗意在須臾碧翁真老  
慳

### 食牛尾狸

穴居雖在野橘柚養膏脂肌肉全身少類續詩云橘柚爲漿菜  
爲飯筋肉不足惟膏油刀砧具饌  
遲鼈羹休染指熊白未須脰細嚼慙知味臨觴辦小詩

### 今夕行

今夕何夕月如鈎得與吾子同孤舟留燈聽櫓不須睡明日西湖  
同買醉

### 武林卽事

一笑靴紋改舊顏深文端不臯癡頑漫勞腰笏趨行馬詎惜開籠  
放白鷗無事倚牕持鏡鑷有時支枕念湖山蕭郎三十渾如故博

### 道腴堂詩編卷第七

四

帶裒衣只等閑

### 訪侶雲菴轉公治具梅花樹下小飲二首

背山臨水畜數里久荒墜村小人稀到門深喚不鷹綠墻三架屋  
浮世八旬僧絕口無元論身親累劫曾

四檐香雪滿滿意一杯浮種樹孫枝老無家子姓留扶持惟上座  
相肥交舊半通侯三十年來事須臾笑轉頭居此不出三  
十餘年矣

### 轉菴和尚出小照索詩題贈四絕句

孫姓名旭餘姚人中武乙科爲  
盜所叛自獄中亡出匿於吳逆

僞將軍韓大任營中未幾說以歸誠時  
魏王督師聞中軍前去投道衛尋隱於浮屠

戎馬奔馳磨盾頻僧旗禪鎧種前因回頭無量神通盡賸有雲山  
清淨身

九死餘生氣尚豪相逢舌在齒牙牢丈夫自有難能事一着三衣

### 棄六韜

褒斜嶺海幾過征憂患恩仇已半生坐使鯨鯢親送款青驪閑跨

入青城

恒沙閱世老禪師八十依然三十時其照三十時馬莫道瞿曇無燕頷笑談還可却熊羆

少宗伯荆門胡公輓詩二首

九列班心突兀身暫移典禮障邊塵度支自握軍儲計鎖鑰應煩社稷臣青海戍頭沙似雪碧油幢下髯如銀文章報國空勞瘁遺恨壺頭志未伸

大漠秋寒塞草黃幾年使節老冰霜銘旌萬里歌虞殯毳帳千軍擁書荒馬革裹屍應不恨虎頭食肉劇堪傷一時齊下匡州淚何異南遷哭贊皇

送夏其蘇歸海州二首

殷勤憐我罷官居歸計因循兩月餘我自送君誰送我天涯惟有故人踈

郁洲山畔海西頭幾送征帆下楚州此去堠程吾不識夢魂約畧繞滄洲

道腴堂詩編卷第七

五

夾山漾

四山含清暉一水具全勢春初氣和暢風色無纖翳環洲帶村墟長林衍天際帆影落晴波悠然望遠邐

庚村訪吳山樵留飲補閣夜泊夾山漾口

吳興山水區幽勝此爲絕去郭半由延迥與凡境別道場陰嶺秀雲翠膚寸裂林薄含清風豐草滯寒雪罨畦栽百索阡術迷九折中有詩人廬青蒼匿門楔雞犬疑桃源外戶夜不閉墻頭小閣子嵐彩照梁椽孝廉隱者流榮利非所屑曾探娜嬛秘胸次星宿列繞膝稱佳兒玉樹蘭芽茁欵我書巢中酒茗遙相設隸事羅古言當杯揀夜徹戶小易沾醉山氣增凜冽扶路歸扁舟溪風吹燭滅夜讀堯峯詩有萬事思量都是錯他生莫現宰官身之句

戲爲絕句以當轉語

金紫銀青極世榮邯鄲夢幻底分明陸沉銅墨須臾事未卜他生

媿此生

沈心齋先生輓詩二首

歲殘方息駕歛爾嘆山頽遽絕蒼生望咸悲白日催歷官居禁近  
何地築樓臺清白無私語流傳巷哭哀

天道真難測人生信有涯夢應符鶴雁歲不在龍蛇言行名臣錄  
文章太史家夜臺如把臂氣誼尚雲霞

先生諱先大夫交最久挽先大夫詩有云一生不作愁眉事四海常多把臂人

長興道中

客久衣裘盡春寒雨雪多暫時猶阻滯小水亦風波散映閑遮眼  
看山獨寤歌漫勞漁父問憔悴奈愁何

殘梅四首

殘年風雪得春遲裁見南枝到北枝不分花開旋花落傷心已在  
耐寒時

墻陰獨占一方苔月影空庭倩作媒自覺槽騰春醉後巡簷索笑  
有誰來

滿樹青青葉漸齊十分香色九成泥不關桃杏催春老人散斜陽

道腴堂詩編卷第七

六

小院西

流宕吟魂強自招攀枝常恐後期遙若為謝客恩盡不待人歸  
便已凋

贈高朗照郡丞

時代余攝長典縣事

風流自古說吳興唐宋而還少見稱却喜高懷逢渤海好將能事  
繼延陵

吳國沃先生守湖州傾意風雅四方名流畢集至今傳為盛事

廟後新茶若下酒會教流布剡溪藤

自題辛卯後詩卷六首

笥山何潔堂光風雅實吾師競病紛紛苦繫思羞殺東塗西抹手阿  
婆三五少年時

余幼學詩於先生好押強韻舊作悉已刪去

詩家宗派太紛爭捉鼻羞為老婢聲不薄西崑三十六朱絃疏越  
愛新城

耳學紛紛強自知妄將名位別妍媸漫言王令文章進何似邱公

未進時

遠春流水望蓬蓬真體無由得內充慙媿叅軍稱俊逸檀奴何用咏家風

投簡操觚一字成沾沾便作訟詩生坐中佳士無人會點竄貓兒狗子名訟詩生見馬令南唐書

李杜文章光燄齊敢將燭火望雲霓他時牛渚西江夜激賞寧無謝鎮西

和高樹一聞鶴之作

數聲清唳急爲爾助長吟耳目誰家玩昂藏獨客心放懷空日暮到眼又春深未便翔寥廓天風尚隔林

捉船行

昨者羽書至諸道齊徵兵荊州及江浙虎賁三千名脩邊向滇蜀萬里從軍行水道歷常潤刻期促登程上司亟申令捉船載行營長吏性火烈咄嗟無留停伍伯縱鷹犬扁長如游偵大索逮旬日四境喧且驚千艘連舳艦齊集杭州城城下方鞠旅沿塘列旌旌

道腴堂詩編卷第七

七

歷歷津埃塞森森刁斗鳴健兒氣驕猛捨攘勢莫撓嗟哉刺船翁白頭送長征何時達江潯鞍馬任驍騰古云不驛騷紀律須嚴明願言告都統勉旃報朝廷

夜泊石門

戰壘銷沉古石門幾聲畫角出城根健兒不識從軍樂只戀陽關酒一尊赴滇官兵尚駐城下

石門弔吳孟舉

一帆朝掛語兒溪溪上柔桑漸滿枝正是吳蠶初埽箔細吟黃葉老人詩吳有課蠶詞十六首可倫吳中風俗

塘西弔金介山

詩名早已絕倫儕字字皇琴好尚乖自爲禪門誇祖印一生辛苦學誠齋學誠齋吟老集名

題費曉亭太守牧牛圖二首馮鶴驢尚基馮

蹊田罷朝耕亭午憩清樾隨意或寢訛鞭箠不妄發

垂柳江南岸青莎雪水湄戴嵩窮野性肯爲馮春陂

巨和書譜有戴嵩春陂牧牛圖

下若寺

兩年不到陳王里刻石今多漉蘚苔

佳年有詩刻石寺中

莫怪村翁問消息曾看露冕課農來

小信自菰城來聞寓中牡丹盛開

春光雖自好偏使客含嗟兩地皆無托孤蹤未有涯  
竭來蒼葛境

時寓雄城師隱菴

開到牡丹花詎是平章宅如何不在家

夜泛若水

罷酒咏逢夜月明無處無幾人耐閑冷一棹下菰蘆  
澤氣晚逾潔犬聲寒更孤榜歌隨意發流響滿春蕪

碧巖

圖經終莫辨佳勝未全收不到最高頂那知林壑幽  
杯浮太湖水目送洞庭舟長憶峨眉老題名石上留

唐上刻東坡清空世界四字

碧巖瀑布

道腴堂詩編卷第七

八

一泓珠簾水長流瀑布泉自歸幽澗底曾在白雲邊  
恍憶開先寺香爐生紫烟

匡廬瀑布在開先寺香爐峯側

澄潭小龍子聽法亦安禪

遊碧巖歸舟中對月

還向水邊宿尚愁山道長倦來空四大仍欲借禪牀  
烟月生樵路風嵐冷竹房高高翠微裏誰爲問緇郎

錢中丞宅牡丹次高樹一韵

火後爭傳第一花昔年京洛鬪繁華戎戎蝶翅都勻粉  
剪剪春雲不斷霞自有太平樓閣樣別開忠孝相君家  
燕支屏障人間貴空費堂前玉畫叉

峴山漾中流看月出

桂楫中流望星星一綫生出奩開寶鏡接影動金莖  
瀨火周遭映溪山表裏明不知九州外何處有滄瀛

雨中簡查可亭

綠陰高下濕首夏颯如秋江雨連山暗思君何處樓  
遙知天姥夢

會續赤城遊歸笈饒仙藥前生自阮劉

詩歸自天台

題可亭天台詩卷

當年太乙子曾友孟襄陽絕唱難爲和君才不可當名山懷剡曲  
多事鄙曹唐不憚惡溪遠餐霞到石梁

題寓園小山堂次梅耦長先生韻二首

自識非吾土登樓喜借居稍耽林下趣暫解袂中書筋力委蛇外  
心情吟爨餘坐令人境遠寂寞子雲廬

差池憐短翼不及接群居抗志希同調遺榮坐讀書

先生引疾後尚留此數月皆除

泗山水障子

銅雀半硯歌爲王秋駕賦

往年曾見半研圖圖中形製誰規撫建安十五有遺字太璞已自  
非完膚初疑銅臺歷千劫焉知此瓦真有無或者陶甄出今手

半山

語

故留殘缺驚群愚抑聞匏菴有破研劍痕勿乃存其餘

吳苑有

銅雀瓦研以示某公惡曹氏爲人拔劍碎之

沉吟展視重回省臆度未可輕抑掄王郎先輩天

道臆堂詩編卷第七

九

下士小物豈肯給人乎私心區區頓消釋物以人重信有諸今年  
邂逅武林市一笑握手平生呼首出是研共流玩益令夙昔疑團  
祛先生貌古心亦古鑒別迥與恒人殊我惟信目不信耳意雖欲  
奪還躊躇阿瞞睨覬挾天子橫槩三匝悲棲烏紫色畫聲漸聞位  
三臺雄峙誇鄴都幾人稱王幾人帝征西題墓言誰誣遺臭千秋  
宛青史片瓦奚足煩吹噓多因世遠不易得飲器尚且留頭顱矧  
乃埏埴本泥土氣燄已逐飛灰徂西陵疑塚骨且朽憎人何必及  
餘胥凶然半質堪寶惜土花溫潤腴不枯南皮二臺稱好事丹油  
金錫終糝糊

見春浩

移作研材功匪細文章經國常相須幾伴先生

遠遊歷離騷

註

罷空長吁彷彿鴛鴦舊名目美人公子曾與俱

楚辭

匣

以琉璃襲緹錦秋光一片騰菰蘆

吳融古瓦研賦云塵瑩俄新時秋光之一片

我媿無

才窮筆力安如石鼓逢韓蘇論古玩物有餘癖苦從真贗辯錙銖  
繪圖雕本更深意千秋瓦毀形無渝依稀寶晉齋中石他年流播

稗官書

米海嶽研山圖載較耕錄

寓園繡球尚有數花二首

花事飄零風雨催綠陰深映小牕開數株留得鉛華在壓倒唐昌玉蕊來

曾看海舶貢珊瑚傳粉塗朱奩自殊向在粵中見洋繡球色深紅如珊瑚非近日吳門所種者可比也一道淡妝能耐久殿春留伴玉盤盂

送王冲甫歸竟陵二首

楚望流江漢君歸溯上游人烟過夏口鴻爪落吳頭草澤鬚眉在田園芋栗收太平何事業散髮老菟裘

執手時未幾匆匆春易徂三湘連七澤臨水送歸舫抱瓮成高隱為隣並左徒龐公雞黍約許訪鹿門無

鍾翠亭

我登瑞石山亭出青蒼雲根一歇足烟海浩浩茫茫被徑藥苗秀繞谷花草香睇眇眩空靄清風吹衣裳遙岡儂層城山川鬱相望江水瓜瓞綠汀沙金屑黃越帆競歸渡海壘渺斜陽方洋典不淺

道腴堂詩編卷第七

十

趙超空爾忙忙長往謝時輩此心聊自臧

雲居寺西廊

古寺長廊靜尋僧何處期門深木交蔭參差相蔽虧小犬吠禪關山禽啼竹枝邱壑可常住人天空片時寥寥叩緇錫來往復為誰

壑菴明僧西吳居此

善哉師子兒誅茅昔於此短笏卧枯槎曲池湛清泚如何後代名承訛乃爾爾俗名賽西湖蓋西吳之說者也

幽居洞

石窟蹊徑窮窳窳不方廣中忽一綫開直逼青霞上湖天樹杪分樵風度森爽

磨崖家人卦後署宋司馬溫公書

何年磨穹崖分書家人卦陵谷未銷沉石壁漸崩壞不須絕韋編字畫猶可解

同查可亭高樹一訪亦諳上人慧日精舍

開士幽居處山巔復水涯松枝非問法蠟屐共求詩境靜名言絕  
峯晴衆嶺遲還將貝多葉細寫打包時亦公出遊天台  
黃山天目諸詩

湖上同可亭樹一亦諳遲朱鹿田水部不至

探幽興未已小艇復相宜不少遊人跡多蒙衲子知山茨空有約  
水部竟無詩跌宕雙堤路招邀擬後期

次日小山堂再期朱鹿田不至同可亭樹一亦諳分韻奉

寄

連朝風色好觸景卽詩情綠樹全遮戶青山半在城喜延僧對飯  
閑聽鳥求聲幾日茗溪棹相思轉盼生

寄亦諳上人

我從弁山來石林無一面昨登慧日峰眼中忽驚眩巉巖拱山門  
璣瓏關曲院樹身出空罅土脉不容綫初擬構巢居或乞馮東絹  
著我青雲根枕藉可忘倦火熱飛來峯拋與俗情便上人定拊掌  
笑余少所見

道腴堂詩編卷第七

十一

不得遊勝果寺疊湖上遲朱水部韵

旬日飯不足獨於遊興宜看山復尋寺此意更誰知漫作洛生咏  
閑吟瘞子詩唐僧處默詩到江吳地盡開岸  
越山多卽此詩話以瘞子目之不圖城郭近偏自阻佳期

過萬松書院

大雅邈不作斯文已墜地三歎董子言正誼詎謀利詩書先聖傳  
文章載道器古人重經術務在窮實義勿學而壯行爲國持大計  
漢庭集諸儒虎觀考同異文翁市蜀物蔚然振士氣紛綸并大春  
便便五經笥伏處稱醇儒得位號循吏豈徒雜庸流呶唔等兒戲  
哂兹數仞墻直作虛車視臯比媿鱣堂絳紗羞馬肆墨守鬼園册  
私爲帳中秘矻矻雖窮年終何與人事竟須置高閣幾輩真識字

觀海

目窮初見海海氣鬱如山島嶼分諸國江湖自一斑雷霆潮上激  
日月地中還便欲乘桴去遂巡又等閑

海寧舟次寄鹿田可亭

醉別華筵意未伸短篷泊處倍含辛  
梓花滿地瀟瀟雨已是天涯海角人

臨平道中

一棹臨平路汀洲問藕花好風吹水竹曉色自清華  
石鼓桐魚寂人家聚落斜坐看山翠滴幽思此無涯

乘船詩

逃津指顧又茫然了却多生船子緣  
牛渚運租依估客鬱林帶石笑長年  
那能鑄鐵重浮海便欲乘槎直上天  
從此陸居何用屋風波回首罷舟旋

吳興舟次留別金壽門姚玉裁

水面月初生吳歌遠送行數年遊宦地  
幾輩別離情山鳴楊梅候江城杜宇聲  
縱令歸計得已是誤浮名

寶帶橋

揚帆太湖尾蹤跡憶西吳常是隔湖望  
姑蘇如畫圖

道瘦堂詩編卷第七

七

姑蘇夜泊

破楚門前路停橈又幾秋豈無懷古泪  
那似越鄉愁歲月仍飄泊笙歌少滯留  
渡江須六月來汎石湖舟

梁溪竹枝詞三首

江尖市上柳成陰小店紅欄面面深  
取得宜興茶具好惠山泉水

見儂心

照梳頭

儂家百里近蘇州風景龍山異虎邱  
不慣從他作高髻蓉江如鏡花面雅鬟  
二八餘浣衣臨水風廻裙動問郎能負  
春否好卜梁鴻溪畔居

丹陽

蕭條古驛認雲陽杳渺平湖泊練塘  
青草岸高潮正落綠楊風暖日初長  
尋仙興阻三茅頂將往句曲不果失路愁牽一葦航  
莫向夢溪談舊

事浮生蹤跡劇茫茫

丹徒

野樹丹徒鎮，新洲冷蕞叢。  
義旗何日舉，禪代幾人同。  
山寺龍章滅，英雄虎步空。  
行行曲阿路，流恨最無窮。

發京口二首

風景三吳異，殊方恨未消。  
地從揚子盡，山指秣陵遙。  
鐵甕罷吹角，石簞初落潮。  
五州行處好，回首別金焦。

鱗魚朝入饌，口腹慰長征。  
午向橋頭飯，塵從陌上生。  
重來聽鈴馱，不解好驢鳴。  
裁舍吳船穩，艱難半日程。

花山

望裏花山路，樵人箇箇知。  
亂峯圍錯磨，一逕入逶迤。  
擬赴名僧會，虛逢灌佛期。  
時值四月八日他年惟石供，準往叩門槌。

龍潭

落日荒村暗，婆娑野樹陰。  
望烟投旅宿，稅駕入山深。  
行殿逃空靄，滄江感暮心。  
溫泉何處所，勞瘁不堪尋。

道腴堂詩編卷第七

三

望攝山

欲訪南朝跡，三峯咫尺逃。  
江雲飄細雨，山寺阻幽期。  
長憶明僧紹，空憐江總持。  
外臣將狎客，青史別妍媸。

靈谷寺

兒時曾禮佛，遊憩誌公房。  
野草聽鶯殘，僧殿閣荒雲。  
逃定林院蹟，近半山堂浩。  
劫從誰問濛濛，春雨涼。

鍾山

千古龍蟠地，孫吳事業逃。  
野花春後發，谷鳥雨中啼。  
琴愛蕭思話，文移孔稚圭。  
風流江左盡，憑弔一含悽。

明太祖陵

王氣空前代，興亡感逝波。  
玉鳧沉隧道，銀海閉林阿。  
天壽園陵在，鍾山秀色多。  
聖朝巖守衛，影殿尚巍峩。

過明故宮三首

斷垣遺瓦委榛蕪，眼見塵揚燕尾湖。  
此地開基此亡國，不知原是

六朝都

鬼門一出六宮焚磨衲天涯老建文誰信讀書朱檢討力排異說

辯遺聞

見曝書亭集上  
史館總裁書

福王生小愛荒淫歌舞匆匆白日沉不及陳唐兩後主風流文彩可人心

秦淮水閣追步新城尚書韵

月明還過女牆頭十里秦淮淺不流處處欄杆斜照水家家燈火正當樓客心未厭金尊滿往事空憐玉笛秋笑我光陰真過客廿年幾度惹閑愁

白下寄懷吳中諸故人

酒幔茶檣興忽闌江湖森森足波瀾中年不耐銷魂別久客方知行路難芳草雨餘邀笛步玉笙聲徹小長干每逢好景思公等勿何由得盡懽

金陵渡江

道瘦堂詩編卷第七

七

一宿青溪弔麗華獨搖艇子出城窪瓦棺閣古騰高浪烽火樓荒照暮霞遠岫微茫江浦樹暗潮浮動海門沙當年五馬曾留識回首新亭憶永嘉

小橋旅次題畫

十載栖栖吳楚間浮名敝屣又空還今宵下馬篝燈見慙對橋東一桁山

滁州道上遙送朱水部查上舍遊嶺南

殘醉江亭匹馬遲滁陽北去乍經時情牽浙水人初遠路入滙江我舊知八境臺前堪讀畫三楓亭畔好題詩羨君二妙風流甚定有珠孃勸酒卮

雨度清流關和高樹一韵

因君思劍閣使我憶梅關余兩人舊遊地也疇士原多感天公最忌閑馬頭終日雨人面數重山設險雖終古蒼蒼不改顏

彭門渡河

我有駟車役長江復大河朱顏塵土滿青鬢別離多鼓柁思清書  
蘓詩此境何殊泛清霄沾襟泣楚歌輸他荀令則三十轉蹉跎荀羨年二十八  
此爲徐州刺史

### 嶧山

路指鄒亭近蒼然秀可捫陰崖穿嶧孔暖翠護書門地是邾婁國  
沙流瀟水痕邾公一遁後遺跡到今存

### 旅次與高樹一談及粵中風物因憶曹禹門

輿轎當年度嶺遙每思往事一魂銷尋山飽食桃榔麵載酒閑乘  
玳瑁潮倒挂收香矜絲羽離支堆案卸紅綃故人家近扶胥口何  
日相從破寂寥

### 望曲阜舊遊感懷孔東塘先生

巋然不見魯靈光十載東山夢不忘太息老成徂謝盡典型無復  
蔡中郎

### 張夏雨發

一夜潺湲雨愁人到曉雞眼中添客泪衣上滿征泥沙路蹄涔沒  
道腴堂詩編卷第七

五

雲峯嶽麓迷曾爲五湖長何事復栖栖

### 大明湖

亦有盪舟趣田田蓮葉青水風散高柳鷗影淨浮萍名士今誰是  
延緣見古亭閑吟少陵句隨意泊齋舫

### 華不注

不音孚詩小雅鄂不  
韡韡艸箋當作拊

爲愛華不注青於唄鉢羅閑登歷城北遙指惜山阿秀色生雲木  
斜陽下薜蘿空攜筇竹杖覲面一蹉跎

### 濟南絕句十首

蓮子湖波似錦秋尚書高致最風流詩亭粉本還留在不數滄溟  
白雪樓漁洋先生有詩亭  
圖見帶經堂集

叔牙城古傍青山身後遺名豈等閑愛說吾宗高義在至今姓氏  
尚人間

七十二泉天下無亂流渟注鵲山湖中冷銖兩何須較釀酒烹茶

嗜好殊

金輿山映使君林望裏橫被積秀沉愛咏玉壺冰雪句

趙孟頫釣突泉詩

珠任鎖戟門深

珍珠泉在中丞署中

北渚亭荒接水西柳塘蘆港劃成畦渺然不復吳兒想惆悵遺山

舊品題

曼孛詩名歷下傳後先七子競譁然何如房豹山池句五字風流愛昔賢

明湖水木真明瑟酈注桑經語最工欲訪華泉徵左傳單椒秀澤夕陽中

當年秋柳咏漁洋私奉南豐一瓣香今日經過問陳跡七橋風景但斜陽

犀角誰家玉雪郎琵琶爭唱小秦王多情好似雪溪女聽到陽關總斷腸

千佛山青螺髻開嵐漪亭下碧潌洞齊州大好供人眼便爲登臨也合來

道腴堂詩編卷第七

六

望徂徠山

我聞徂徠松其壽常千春或如人牛跡變化殊有神詠詩考圖經欲登苦無因竭來奉符道夙志鬱難伸不逢負苓者白雲空嶙峋望古一停驂徘徊思昔人當年此棲遁抗跡竹溪濱風流映山左襟懷真絕倫巢父東入海謫仙西入秦六逸有時散餘輝詎能泯至今盼遺墟依稀奉清塵泉流方活活車聲動轡轡去矣迫行役青山勿吾喚

望岱二首

望裏還如坐軋坤奠位東峯蟠千古秀勢壓九州雄應劭儀猶在秦皇臘已窮浮雲天一握猶似出封中

地是明堂舊山猶封禪餘圖傳公玉帶書記馬相如日觀高無極天門望不虛憶曾凌絕頂歲月幾躊躇

典寅中秋曾宿絕頂

渡汶水三首

夜來山雨過滔滔新漲起十步一盤渦流沫幾百里

聽唱公無渡膠舟畏復沉一壺如可覓當不惜千金  
山勢連齊魯青青了不分回頭看嶽色猶帶雨餘雲

道中短歌

雞聲隔曉食罷馬頭殘夢何惺忪天明野樹有生色日出曉山  
多靚容此邦道路往來久逆旅光陰如覆手忽漫驚心弱草塵不  
堪流滄金城柳浮世休論材不材關籬拂幌未須猜旗亭泥飲同  
騶卒萬事無過酒一杯

桃山驛岳忠武祠

廟祀知何代靈旗颯暮寒頻年拜邱墓此地問祠官死實由張浚  
寃誠並曲端符離裁咫尺風雨泣兵欄

淮南道中觀插秧

衢路衝泥沒髀深黃梅天氣半晴陰背篷秧馬田家具處處青山  
感夙心

賦得水深河無梁

道腴堂詩編卷第七

七

楚塞何茫茫行人自古豈不憚遠遊此身復誰許潢汙忽橫流  
舟楫無處所風波感中歲平地多險阻憂來最傷人何堪日羈旅  
磨盤山

崎嶇歷長坂愁絕衆山童地少三家聚人無一畝宮馳情向吳會  
留眼待江東明日琅邪路清暉漸不同

殘夜過清流關

卧聞山店唱黃雞殘夢駢人逐馬蹄宿鳥不驚征鐸動野雲還傍  
老僧棲林深絕磴關門黑月隱西巖澗壑逃太息南唐曾設險銷  
沉空費一丸泥

題蔣容齋通守採芝圖二首

十年江海髯皤然桐帽襪鞋畫裏傳上界猶聞足官府不如長作  
地行仙

仕宦憑人議是非獨攜鴉嘴遂初衣不辭結伴山中去添我圓蒲

坐翠微

余有秋山行脚圖

句曲道中望茅山四首

遙從陌上望網緝指點華陽洞口雲我亦終當爲情死濛濛細雨  
禮茅君

三層樓上愛松風又聽吹笙度碧空今日嶺雲猶彷彿白衣宰相  
卧山中

未能採藥逐仙蹤領下驪珠悵莫逢安得重尋吳綽斧割將左耳  
罰乖龍

長史當年此結廬由來地肺卽清都通明去後無消息誰續真靈  
位業圖

題亦請上人遊黃山圖卷

二十四溪上容成有舊蹤似聞山樂鳥來自翠微峯雲海千尋瀑  
蒲團百尺松何年攜智杖吟徧寺樓鐘

寄臧道山湖州

濟南歸後落帆初下若溪頭問隱居長夏蕭條風掃徑白蘋門巷  
道腴堂詩編卷第七

水平渠老如伯業猶勤學癖似張參愛寫書聞說扁舟橫清雪倦

遊應笑馬相如

時入客白門始歸

雒城朱氏宅

西石橋邊宅門臨廿字河拂檐雙樹老當畫綠陰多鹽米從人乞  
去聲衣冠謝客過此間休夏好心跡且婆娑

答李堯曠明府

書札勞相憶殷勤勝拜嘉真無負臨賀差喜識朱家薄俗如朝露  
深情托暮霞幾年朋輩樂牢落各天涯

曹禹門魏雲岑王枋村俱先余解歸去

睡餘

睡餘何限好庭戶寂無喧過雨秋風細當堦樹影繁餘樽湛東壁  
斜日隱西垣世事盡如此飛沉安足論

馮校官闢解後隙地新構一亭以詩贈之

洗竹開新徑翻書冷舊芸晝簾孤閣影  
許水中有秀閣衣桁五峯雲日召  
生徒列閑宜酒坐勤終成宴游地莫只厭多文  
見曹耳集留士每言學舍多敗故及之

得樹一書知有騎省之痛因以慰之

平生志不在温飽素藕甘瓜豈療飢別後知君廢吟事秋來添得悼亡詩

寄吳山樵

何由重接後塵遊社燕賓鴻感滯留翫懽百年難勝識支離六極未消憂空聞謝尚逢袁虎不見常何薦馬周山樵近謁吳門中丞無所遇合憶隔山茨衣帶水雲南雲北夢悠悠

絕句

眠起無昏旦時情悵莫依虛堂塵不掃蟪子上人衣

舟次晤姚玉裁卽別二首

秋氣已沈寥復此溪上雨頻年游宴地拜棹真徒侶故人惠然來深情續如縷脫手出新詩掀眉一起舞

往來茗霅間時事已非故忽忽少定居殷殷覓良晤征鴻帶離聲烟波渺前度咫尺白蓮莊含情屢回顧

道腴堂詩編卷第七

七

蔣大梁過訪有贈

君昔遊京師我初謁選人聲華播衆口藉甚蘭蕙春頗邀公卿賞迥絕儕輩嘖棲桐一卷詩大雅無點塵吾友高秀才樹同爲東閣賓時主汪子波員外家稱君天下士筆研相與親因得識標格舉舉而恂恂君

常造我廬文字忻討論贈言存豐規七字何清真是時暑雨淫泥途苦遭迤余旋捧檄南紆鬱意未申一官若春夢五載驚感輪何嘗累猪肝合井苦無因去年聞君還匿跡若水濱余已挂吏議東

西寄一身當路勘托契中情復誰陳願言懷舊雨乖睽每傷神茲晨喜叩門班荆過比隣往事詫曉息感激含悲辛長安操觚家麻

葦殊紛綸幾人策捷足騰蹠要路津君胡猶待聘守此席上珍燃糠繼松節讀書樂長貧高髻與廣眉詎肯趨時新余亦甘廢棄歸

田剪荆榛

復喜大梁見過

兩版衙門莞芟稀伯通廡下暫相依人閑履跡生秋草日暖庭心

曝舊衣爾我匪夷兼匪惠文章公是復公非庖厨不費欣然得老  
大心情與世違

秋日同人泛舟湖上

羅剎江頭看潮罷金牛湖邊丹桂開  
拈舟挈壺拉朋伴一葉爲訪  
天香來范祠兩株最奇特連蜷叢發非凡材地界孤山弔陳跡亭  
空放鶴餘荒苔州人嬉遊踵相接十五五爭徘徊總宜船輕風  
日美水容山態無纖埃得酒喜叨文字飲樂在山水非貪杯况乃  
坐中盡佳士清詞古淡凌歐梅徑須乘興卜終夜月明穩泊枯荷  
隈吾徒聚散亦偶爾眷勿顧忌旁人猜

秋夜

婆留城內雨如繩獨卧高樓百感乘零落幾年江海夢夜潮依約  
過西陵

一燈

一燈裁向夕秋室俗聲無客去門深閉愁多酒倦沽論交媿朱勃

道腴堂詩編卷第七

三

漫世哭唐衢抑鬱無誰語空悲壯歲徂

訪魏陟菴雲居僧舍

舊徑無行迹僧廊鴨脚深閉門惟落葉倚檻競清音習靜方成癖  
忘機或廢吟一從投綬後來往卽山林

題沈操堂太史碧浪泛輪圖二首

一片湖光似熨羅依稀蹤跡五年過白蘋風色春洲滿輸與輪翁  
穩荷蓑

玉堂天上渺難攀回首蛾眉憶舊班隨意烟波閑泊宅詩人家近

小蓴山

已亥長至前可亭壽門誨仲紛紛別去獨余留滯吳興蹤

跡莫必離情羈恨畢見乎詞

丈夫困貧賤錄錄耻盛時飄泊寄四方意氣無由施抑鬱暗吞聲  
言笑強低眉唐捐閑歲月不朽事安期憶我經年中如蓬風際吹  
間關勞過所舟車幾驚馳北適齊魯郊南窮閩海陲兩浙東西吳

奚暇黔突爲慰藉仗朋好輿情得不衰無何二三子長揖向我辭  
自來眠食共形影忽乖離輒作數日惡悵然悽以思查谷驕匹馬  
奴子長鬚隨短後曼胡纓直歷汾沁渭清嘯弔越石碧玉訪晉祠  
誰憐范叔寒毋使彈鋏悲金髯曳長裾掉頭返苗茨平生鴻都學  
古本考索竒吉金貞石文兩籠千朱提句囊束筭書一葦兼杭之  
楊子雅好事輜軒走京師五載一歸來油素仍自齋佳處愛玉山  
金粟蹟尚遺消搖陶峴舟選勝求新詩君輩皆有以我獨遭繫維  
緘口勿復云雙淚如縷縻堂上垂白母定省已久虧妻孥遠寄食  
僮僕恒苦飢閉戶守兔園故態令人嗤非無佳山水愛至足懶移  
寒宵撥殘灰子子同孤雌慨彼季布諾往哲不可追天地亦逆旅  
去住休見疑陋哉嘖嘖翁摸稜終何居

冬夜故鄣道中

異國諳舟楫宵征此路多尚堪充水手祇合伴漁叢野鶴矜毛羽  
沙鷗謝網羅優游聊卒歲一詠雉噫歌

道臆堂詩編卷第七

三

夜汎雪水

恍逐驚帆信碧蹄萬重寒翠掉頭逃等閑一夢橫塘月魂斷秋風  
憶建溪

吳興寓中卽事

石氣凝寒不觸簾風花斑駁雨廉纖三冬強半成飄忽一載過頭  
尚滯淹寧有副衣留蓋篋差無飛語到茨簷鱸薰茗盃幽人興便  
爾棲遲也未嫌

雜詩四首

歲月崢嶸響影馳就中冷暖自心知人間信有負暄樂豈待并凌  
鶴語時

驚風搖落歲寒叢耳冷心灰萬境空我是燕山白翎雀翻成南國  
一冥鴻

曼陀羅花取次開澆書誰饋五經來塞門盡日無迎迓吟繞小山  
千百迴

一浮漚  
顧拈筆研志窮愁混沌聊翻舊譜修昨夢三千大千界江河萬古

燈下讀沈揅堂太史踰嶺諸集口占五絕句奉寄

沈郎先我七閩遊碧水丹山一卷收恨未攜將行篋裏天南佳勝  
按圖搜

小紀曾傳櫟下翁輶軒好事類揚雄把君吟卷當遊譜手錄巾箱  
置一通

歎乃聲傳建水濱集中有建溪  
樟歌十首至今讀曲也愁人幔亭比似廬山作

君是鄒陽幾世身大史遊式巨獨作幔亭一詩自比東坡遊廬山之於漱玉  
亭三峽橋也東坡爲鄒陽二十七世後身見春浩紀聞

龍門足跡徧寰中太史陳詩脩採風誰遣金鑿坡下客晚從桂海

逐旋蓬鑿坡桂海皆  
太史集名

當年漢上共題襟太史往歲里居  
有雙溪唱和集往事風流不及羣莫以無知笑僖父

也煩皇甫士安文太史爲余作  
閩江集序

歲暮北行雜詩十二首

道腴堂詩編卷第七

三

織路何年許乞閑空船偶此載書還不因至日羈商旅權使深居  
尚閉關許聖

越角吳根指顧間歸心隨處倦躋攀昨宵夢到山塘月短簿祠前

一燈山

也知去住皆爲客暫別他鄉亦當歸一夜寒風吹細雨過江應有

雪花飛

突起雙厓夾去舟一灣淺濁漕河流獨輪車子鳴榔鴉軋終年

不斷頭丹陽

居人不識路人愁鴻爪茫茫到處留裁是扁舟五湖客亂山飛雪

入昇州

棲霞重憶明僧紹靈谷曾尋寶誌公欲訪舒王舊時宅山英騰笑

草堂空鍾山

幕府鷄籠雪色凝泰淮初結一層冰幾行衰柳欄杆曲記送離人

去秣陵河房

竟日江頭斷渡船颶風高捲浪粘天蓬萊清淺何時待且博遊仙

一夜眠風七里洲借宿天妃道院

日景熹微霽色開風船三折渡江來回頭不辨江南樹一望茫茫

白玉堆

鬢卅原爲薊北童廿年蹤跡半江東祇今江北寒如此那不凌兢

念塞翁

春潮曾詆韋郎句昔人謂西閩無勸詩人務在佳句而實無此景也遺甃常尋庶子泉在琅邪寺何事

歐魯同作記醒心不及醉翁傳醒心亭在豐樂亭東亦歐陽公建南豐爲記今人罕有知者

荒飽曾紆墨綬垂姓名休遺遽人知舊遊一掬玻璃水泉名薛老橋

邊鞞馬時已上二首徐州作

道腴堂詩編卷第七

道腴堂詩編卷第八

雲中鮑鈐西



閩江集

江子留別諸子

無官一身健何惜此長行醜酒樟亭晚吹愁玉笛清江風催雨帆  
去山霧歛秋城去去皆生客依依祇舊盟七閩前路永三浙落潮  
平放眼堪懷古開頭莫計程艱虞仗忠信隕穫戒心情物候看殊  
異方言漸不明直南鴻雁少向日鷓鴣鳴更與鄉關遠兼之囊橐  
輕車輪腸內轉石闕口中生願駕琴高鯉逆歸快合并

夜泊鮎魚嘴五更隨潮天明行七十里矣

雨聲薄暮風淒緊夢冷汀洲白葦花卧聽潮雞催曙色亂船掀簸  
騰空斜疾雷殷山山疾走意氣直思窮九有世間巧宦盡如斯險  
處誰堪一回首

富陽

道腴堂詩編卷第八

一

客路值蕭晨江山古富春女墻低見屋寒浪遠通津踪跡消前劫  
窮愁賸此身自來風景地隨處可娛人

桐廬

浮江二百里孤棹問桐君采藥無遺跡滿山空白雲人烟成聚落  
水木共氤氳欲弔方三拜投詩不可聞

雨泊釣臺下

岩巖絕磴倚雲開秋雨巖花繡碧苔當日羊裘遂高隱至今龍具  
屬凡才江山無恙留終古登覽惟應約再來灑淚重悲謝臯羽不  
堪慟哭記西臺

嚴先生祠

咄咄嚴陵瀨先生此釣魚江山成勝蹟祠宇自幽居想像狂奴態  
傳聞買菜書千秋逸人傳榮利顧何如

七里瀧

覽興非不佳及茲倦游行孤蹤日漂泊山水緣未淺夙聞空屬思

今來意少展秋陰入蒙密一氣不能辨天高嵐靄肅曲折蔽危巘  
石激湍瀨清風偈帆葉健林阿屢汭洞流目漸以遠左顧灣始窮  
右轉峽逾緬孤村倚崖腹破碎若斑癩烟生釣人舟笛吹估客扁  
蒼然亂暝色巖壑牙偃蹇坐使旅愁增又令塵慮遣歸期豈云遙  
旦夕氣候變何處寄寒衣一壺且沉酒

巖州

瀧口經宵雨淒涼催曉行林遮富春驛山隔睦州城淥淨榜蒲見  
江寒鱗甲生飄零誰復使愁絕寡懽情

泊蘭溪

蒼蒼蘭陰山客帆落向夕人家城上見澗水映寒碧長吟貫休詩  
遠憶初平石望古坐清宵所思竟何益

野泊

此去龍游郭灘流更幾灣水春當夜息秋月替人閑近岸無村火  
沾衣有淚斑三衢猶未到已過百重山

道腴堂詩編卷第八

一一

衢州三首

古岸依城迥孤篷穩插篙頭連艦直樓下亂檣高雲薄初成雨  
溪喧不作濤前途休借問新漲喜酒滄

地界無諸國山圍太末城羽書曾旁午班劍舊專征嶺表沙蟲寂

卑門壁壘平當年杜元凱談笑鎮南荆

謂李文襄公

唇齒連江右藩籬限浙東橘林千戶等樓櫓一州雄歲月殘暮後  
山川指掌中何當流宕跡長伴爛柯翁

江郎山

三峯白雲裏一氣摩穹蒼亭亭出群表終古稱江郎兄弟共羽化  
于焉錫佳名事遠且不經妄言任荒唐我來恣瞻眺登高屨重陽  
衆壑牙窅映詭狀紛拓張地暖物候殊秋樹綠未黃觸目忽愴而  
雙淚落浪浪念我同懷人各在天一方伯也宦淮潁仲氏羈炎荒  
伊余復踰嶺結束辦費糧快意有奇癖舉步無康莊覩茲好巖棲  
恨不相攜將歸當煩妙手作圖似吾兒

峽口見吳尺鳧題名

積阻埋雲態不窮，嶺猿山鬼嘯悲風。  
循牆愛爾新題字，一笑蠻村老屋中。

仙霞關歌

宿霧漫山山氣濛濛，何處分巖谷關開。  
混沌幾千年，豺虎奔逃。魍魎伏周官，七閩載職方。  
天南萬古雄荒服，漢代無諸有舊封。  
攻擊無常數，反覆莊助空。持使節歸王，  
郢旋被蕭牆。紛紛僭竊逮五季，朝閩暮殷同一局。  
四十年前尚用兵，金戈鐵馬驚馳逐。  
聖朝在德不在險，八荒共享承平福。  
祇今狼堞斷烟痕，惟見旌竿戍樓蠹。  
輿轎相沿商旅多，絕蹬盤盤三百六。  
仰天喘息怯登降，選石凌兢愁措足。  
積蘇累塊峯頂重，杖底長杉偃脩竹。  
泉響如雷不知處，時有哀猿聲斷續。  
中原一綫渺難窮，歸雁行邊寄遐矚。  
天留扼塞障蠻徼，行人過此傷心目。

小竿嶺

道腴堂詩編卷第八

三

日放大圓鏡，千山螺髻光。  
白雲如粉澤，幻出好蠻妝。

南浦橋

繞郭皆山色，城南一水長。  
玲瓏穿閣道，突兀駕虹梁。  
心怯憑欄立，人貪度嶺忙。  
綠波無限好，誰與問江郎。

浦城小船至觀前

連山滙高灘，脉絡相灌瀉。  
森森羅萬象，水落石盡出。  
屹如島嶼環，燦若星宿密。  
踰波迸層躡，跳蕩不見溢。  
清流一葉船，雜坐容兩膝。  
檝振柁尾長，勢比鷲鳥疾。  
梢子操勁篙，百試無一失。  
周折中規矩，進退諳紀律。  
直下數灘過，險阻難罄述。  
頗聞延建間，水石更詭裔。  
平生愛王尊，慷慨馭能叱。  
垂堂雖有戒，忠信理可必。  
一笑傾村醪，浮嵐滿舟室。

水吉對月

蠻落東西岸，人烟隔浦寒。  
度臨南斗近，芒指客星單。  
淚眼昏山月，秋衾冷夜灘。  
艱難身歷後，深悔誤朝冠。

七里灘

甲仗紛成列兵戈勢共揮出竒爭間道一笑突重圍

建寧

一棹沿山轉山明出郡樓連灘趁建水疊浪接鐔州俗近先賢里

神傷下瀨舟千城賴巾幗蘋蘩墓門秋

練鶴墓在郡治

黯澹灘有懷浙中諸故人

數疊驚深怒擊撞懸流直下濺船牕回頭直似潮頭過何處青山

是浙江

延平

黯澹灘頭放溜來冠山城角瞰崔嵬層層屋瓦魚鱗出滾滾溪流

燕尾開

東一水通建寧西一水通邵武至劍津及入台望氣當年射牛斗化龍曾此馭風雷賽神

已罷歡舟子珍重相呼酒一杯

下灘行

閩中灘多多且竒水石塊北無端倪九天雲垂四海立鯨牙撐突

道腴堂詩編卷第八

四

龍躩泥蚓結蟲鏤走萬斂衡縮繆糅紛披麗

曾子固道山亭記云水行其隙或衡縮繆又云其狀若蚓結

若虫儼然宓羲畫卦象滿者如坎虛如離初來尺步幾戰慄久之

漸覺形神疲建溪以北水清淺繫篙徐徐抵其巖劍津南來勢浸

濶濤山浪屋堆瀾瀾很石鬚鬚而磻岸駭波電激還颺馳紙船有

誰况須慮越人謂船為須慮見越絕書筮命不藉著與龜敢云愷悌神所勞潛心默

禱若有知萬山過眼不留滯一生九死爭毫釐曾聞人心更叵測

風波陸地尤躄危造物用意亦良厚特設險阻為箴規燕非無函

越無罇謂閩無灘曰亦宜

水口

灘程行始盡川路近南溟魚翠翔村柵榕鬚抱驛亭輝輝殘照冷

杳杳暮山青出坎欣無恙重編百悔經

榕城逢馬郡丞

嶺海萍蓬豈易尋昔遊零落十年心春風王路期驪首舊雨柯亭

媿賞音豪士賦成終浩歎潛夫論罷幾沉吟一尊乍喜逢休沐青

眼高歌慰素襟

三山客舍偶感爲聞遺事作六絕句

司空遺績著聞疆百戰威名動一方  
潮水當年曾應識柳營先弔  
水西王

寇盜紛紜唐社傾中原豪傑競分爭  
開門節度言猶在不愧三龍  
是弟兄

清人樹下度春風綵舫西湖處處通  
唱得樂遊新譜曲藕花開遍  
水晶宮

三昧風流宴已徂雨花飛盡只青蕪  
長春一炬空殘燼宸衛何曾  
敵二都

寫經鑄像事紛然內殿薰脩供奉虔  
妄道金輪第三子癡兒猶望  
大羅仙

朽骨蓮花冷舊山胭脂不及堊時顏  
笑他金鳳將春燕傾國由來  
只等閑

道股堂詩編卷第八

五

馬石山

縱目臨秋曠孤懷此乍舒雲浮連絕域  
天遠入歸墟城郭蒼茫裏  
山川戰伐餘匆匆笑東鹿竊據竟何如

范忠貞公祠

公贈太子少保兵部尚書嗣君  
亦出閩浙制府歷陞大司馬

當年閩海見傳烽犀兕空多棄甲重  
大節並推顏魯國孤忠直繼  
段司農碑題峴首留殘劫世握兵符  
踵舊封萬古南雷同廟食堂  
堂授命盡從容

南臺登舟二首

螺女江頭落日晴甘棠港口暮潮生  
今宵醉卧南臺月也算歸舟  
第一程

壽山石比玉無瑕南食津津次第誇  
好事尚留遺憾在藍家新釀  
鼓山茶

甘蔗洲

萬里南荒挂席回青山愁隔釣龍臺  
匆匆未盡探音興佳境休誇

敵蕨來

延建道中三首

灘高若建瓴一瞥疾於箭艇子駕飛槳直與奔濤戰喧呶敵中流  
首尾互驚顛長年屏氣息捐顏色變磬折連尻腓背負百丈牽  
彎環避石角巧閃爭一綫嗟哉亦人子生小筋力賤回思三吳間  
烟波快遊衍鴉軋橈一枝終歲浮家便只此判勞逸風景異鄉縣  
卽事感客心當食不下嚥

好山遙相生明滅異昏旦蔥青破朝霧白雲忽中斷坡陀走長蛇  
隨勢改奔竄橫側有竒理枝蔓少侵亂參差露村居架閣傅厓丁  
炊烟起林端雞犬叫天半舟行萬壑底蟬聯復魚貫此時無解人  
寤言空永歎區區愛山心延首日至肝

杉風冷朝陽蒼鬱如點黛冥冥陰沙嘴層層抱山背梯空斷斧斤  
長養累年代拱把至合抱砍伐利什倍羅生雜蒼篴叢薄凝霰黓  
畫眉弄簧舌數聲出烟靄悠然移我情履險無罣礙咫尺東甌城

道腴堂詩編卷第八

六

風景未茫昧危堞瞰崩橋湍舟喧野碓此行聞見殊懷古有餘慨  
笑問冨沙王爭鬪今安在

歸次建安不得枉道遊武厓作歌

往年走百粵夢想羅浮竒今年入七閩九曲思武厓昔苦逢掖賤  
今抱南冠悲勝遊兩輕擲惆悵同一規將毋山靈厭俗駕攢眉恠  
我乖時宜抑或上界有官府鸞鳳未許輕鞭笞幔亭峯頭宴仙侶  
不知何者相追隨魏王太姥歷千劫恒沙閱盡曾孫兒黃心木棧  
委遺蛻寶雲奏罷空嗟咨試語武厓君聽我歌此詞我歌不是可  
哀曲焉用鼓板絃管師緬昔乾魚祠漢代洞天名目傳今茲當時  
求道十二輩天台仙籍原可稽海山本非我歸處眼前浮雲任蔽  
虧屈曲世間復何憾敢以質諸韓退之

建州二首

市中買香菇爲君助菹醢至今武厓茶北苑名未改

宋時貢茶首  
重北苑焙

不知吃好茶生甚好意智宋宣仁太后語君謨士人也何至作此事歐陽公語

寄題雲谷四絕句

依稀雲社接雲莊，夢繞徽公舊草堂。料得山中風俗古，彈琴鼓缶咏先王。

揮手臺前井落連，岫幢峯下看飛泉。何時許卜東寮宅，自墾桑麻一稜田。

擬訪休菴弔遜翁，尚留息壤在山中。故人西陌東阡住，杖履常過蔡季通。

雲氣遙連谷口關，漆園茶坂隔塵寰。流風未遠麻沙里，不比箕山穎水間。

揖仙橋

幾曲淙流細欄迴，指礪隈淺深紅葉積。層脊錦屏開小憇，供臨眺塵勞記往來。仙蹤不可問，野衲進茶杯。

題五顯嶺絕頂蘭若

絕頂開初地，危亭出上方。雲濤晴浩蕩，山氣曉蒼涼。策策池魚戲，濺濺石蕩長。僧彌邀茗粥，隨意話閑房。

道腴堂詩編卷第八

七

天雨菴

篔簹陰深一徑逃，亂山香火拜靈祠。祀闍古蕉葉大櫻欄，綠賺得閑心住少時。

歸度仙霞嶺

忽忽三秋盡，歸途喚奈何。蠶叢曾歷井，鳥道更捫蘿。地界梨關險，山連甌越多。何年刊惡木，禹跡未經過。

靈石祠

在江郎山下，宋政和間封靈潤侯，碑已漫滅，迨半碧蓮全，卽碑中語也。

斷碣遺垣表廢墟，靈蹤咫尺駕雲車。千林木脫瀟瀟雨，冷落山頭金鯽魚。

江山道中

水落北風寒，扁舟下瀨還。殷勤看紅葉，不是厭青山。

桐江

亂帆斜日睦州還，兩岸高峯紫翠間。異地忽驚爲客久，赤亭猶隔

幾十旬山

登釣臺

松色蔭奇壁樹黃猶帶秋昔人不可見歸路得閑遊風景自千古  
登臨消百憂投竿問漁父釣罷復何求

謝臯羽墓

叅軍往事淚沾纓賸水殘山萬古情生賦招魂傷信國死歸埋骨  
傍元英鹿田風雨留遺集汝社飄零仰令名今日蘆茨源外望悲  
風啼徹杜鵑聲

鱸魚

桐江曉清曠舟楫何紛拏鷓鴣沒深渚漁子齊聲呼移船就網竿  
買得尺半鱸丙乙付縷膾庚辛漫躊躇平生江海人得此興不孤  
陋彼齊魯食羊酪非吾須

歸經桐廬

南鴻催北客回首悵間關去路五十日異鄉從此還霜寒漸江水  
道腴堂詩編卷第八

八

潮落富春山海國暮雲合茫茫清旅顏

虎爪山

朝發富春渚悠然懷謝公江天魚浦濶烟樹海門空遠岫連吳甸  
孤雲入剡中心清時捲幔嵐翠淡冲瀛

江上雨泊

冥冥江雨捲船頭篷背聲添一夜愁懊惱澤家聽已杳夢中初識  
近杭州

質籛集

董逃行

我欲求仙辟穀輕舉鸞鶴同羣雞犬不拒一解西謁金母東投木公  
左提右攜人盡方瞳授我上藥靈芝綺蔥一解跪聆要道寶錄千篇  
上有不死訣永得壽命延一解青龍導引汗漫九垓星輿方駕雲幕  
層開朝遊覽乎玄圃夕駐景於丹臺一解回顧下方有道昇平天子  
萬壽庶類蕃亨稽首頓首歷千萬世而戴帝德於無名五解

芳樹

葳蕤芳樹生彼中庭和風暢茂春雨滋榮紅苗其華綠抽其莖葉繁幹直垂蔭彌貞鳳鳥不來委如榛荆時節變移子焉易零

空城雀

空城雀東西隊聲與鷓鴣同混濁東遷西徙去還來啄得城中雞喔喔空城雀爾不覺長頸烏喙空齧齧城中少年將爾捉張羅挾彈復持竿定教巢覆無完殼

河中之水歌

河中之水清無泥西家寡婦倚門啼十年喪夫復喪子空牀夜夜聞晨雞家在燕支山下住悔作邯鄲廝卒妻日日胡笳思塞上年年羌笛憶關西懶唱伊涼舊時曲琵琶含怨復含悽鏡裏朱顏易憔悴嫁衣幹濯羞提攜春風社日停針線梁上雙雙看燕棲

有所思

有所思乃在天之涯浮雲無定所茫茫泣路岐路岐可以南可以

道腴堂詩編卷第八

九

北可以東可以西予懷渺渺安能與世推移海不可以蠡測天不可以管窺維芝蘭之與蕭艾審榮悴之不同時妃呼稀山有木兮木有枝明能察黑白智能別雄雌無鹽西子有目者皆知之

君馬黃

君馬黃臣馬驄二馬同逐臣馬雄君馬老識路長鳴依北風臣馬志倣儻昂昂冀羣空籥雲容與迤萬里路人遠避行且止金鞍玉勒珊瑚鞭長安遊俠皆少年

臨高臺

臨高臺望遠道遠道定何方江湖深浩浩人事不可期思君君不知蹉跎令人老百年如一時

巫山高

巫山高上以天爲巔淮水深下以海爲淵天高海深大鵬飛不極長鯨吸不盡此山此水遂與造化相綿綿人生不能斥揮覽八極管窺蠡測徒紛然東西南北易流宕營營萬事心勞煎况乃富貴

亦何有歲月易逝如推茲山高水深自終古無惑乎秦皇漢武相與汲汲求神仙

將進酒

將進酒相和歌青春白日莫蹉跎我生嗜酒非玩世人醉我醒理則那吳牛蜀犬枉驚詫醯雞并蛙徒么磨君不見天上有酒星地下有酒泉仰觀俯察堪流連又不見劉伶頌酒德王績記醉鄉口沫手舐聊相羊何必讀書識奇字今夕只談風月事堯舜千鐘孔百觚爲君沽酒歌唐虞

秋胡行

吁嗟乎魯秋胡背負恩義非丈夫娶婦未識婦容色路傍私愛徒區區男兒意氣忽如此黃金雖多婦人耻朝從陌上採柔桑夕向堂前鄙夫子河中水流不復回稜稜冰玉照泉臺空爲團扇胡笳怨不作離鸞別鵲哀

公莫舞

道使堂詩編卷第八

十

公莫舞公莫舞公舞伯亦舞寶劍已交飛玉玦徒三舉誰知有約締良姻但見將身翼明主失鹿人皆怨暴秦沐猴我亦強強楚公莫舞公莫舞公舞終何補府中圖籍已全收阿房一炬空焦土

陌上桑

莫謂妾顏好看貧賤軀早知夫聳貴不敢問羅敷

銅雀妓

漳水逝無已三臺愁復登薰香兼賣履何暇望西陵

白紵辭

美人微步登華堂明眸皓齒婉清揚芙蓉作裙霓作裳金環玉珮鳴鏘鏘珠璣錯落垂明璫雲鬟寶髻盤龍妝艷歌一曲按宮商將吐復含餘韻長翩翻舞裊隨風翔陽阿妙態如鸞鳳香塵霏霏繞畫梁錦屏樺燭搖清光主人堂上傾瑤漿屋月皎皎夜未央人生行樂春勿忘白駒過隙徒自傷請君纍纍看北邙娛耳悅目聊徜徉

莫愁樂三首

去去莫愁家莫愁顏如花不須搖艇子門外有停車  
青青水上樓皎皎樓中女相逢自莫愁爲郎歌白苧  
朝遊石城東暮遊石城西往來亦何樂樂有新相知

團扇郎

團團復團團中心自合歡多因輕薄質送暖復偷寒

邯鄲郭公詞

郭公郭公爾何人哉爾形旣具爾神若諧朝遊鄴城路暮登邯鄲  
臺朝朝暮暮樂不自主只道無愁愁忽來琵琶聲沉郭公老大兒  
稚子羣相催鏡殿寶殿生蒿萊郭公郭公爾莫哀爾本無情爾何  
人哉

楊白花

楊白花楊白花顛狂不肯住日日春風吹散宮中樹紫陌紅塵  
竟不歸可憐鶯老春光暮化作浮萍水上浮落花流水江南路一

道腴堂詩編卷第八

十一

種無情莫怨嗟君不見楊白花

襄陽樂二首

郎坐木蘭舟朝朝泛江漢別郎能幾時花滿桃林岸  
郎食縮項鰻妾織迴文錦宜城酒正香誰復留郎飲

常林歡

江水下江陵滔滔去無已妾如江上船郎似江心水船能從水流  
不能留水止旦暮趁潮迴相思日千里

估客樂三首

江邊萬斛舟櫂下千金馬年年事遠行不獨耽遊冶  
漢水有遊女盈盈花艷目問郎何處來昨夜誰家宿  
美人樊口住少小學當壚不愛錢刀贈愁無西域胡

結客少年場行

燕趙多佳人邯鄲多少女爲悅已容士爲知己憐意氣果相許  
不惜身命捐十五學詩書立志希聖賢二十學擊劍降志爲狂狷

三十遊四方慷慨多周旋荆軻與握手聶政相比肩專諸及要離  
傾蓋如弟舅飲酒北里市射獵南山巔鬪雞城東郊走馬城西偏  
五陵貴公子紛紛奉橐韉狐鼠竊嘲笑燕雀羣譁然小忿釋睚眦  
大義守貞堅利器自韜晦白虹貫青天浩歌返里閭顧盼心茫然  
自君之出矣

自君之出矣明月幾迴圓思君似蠶老絲盡不成眠

愛妾換馬曲

蛾眉習歌舞托身爲君娛龍媒志倏儻籥雲爲君駢舍此四絃妓  
換彼千里駒嗟哉妾與馬與人徒區區棄置勿復陳深憐主人愚  
主人亦不愚情好實見踈兩得亦何喜兩失復何吁驕鳴啜泣各  
相向二客忽來吟坐隅詩成葉盡若自得紅箋更續心躊躇江淹  
才盡謝莊窘倘恍不肯留須臾主人陶然已霑醉夜烏啼徹尾畢  
通滿庭明月照離別愛妾含淚歌荷珠吁嗟鮑生真酒徒

春江花月夜

道腴堂詩編卷第八

七

花濃含夜色江春帶月香多情問桃葉悠然棹歌長

牆上難爲趨行

春城草未生遲日媚春晴誰家冶遊女城頭踏春行踏春春尚早  
聯臂若含情裙展湘江綠衫浮錦水明鬢鴉臨皎皎鳳顫盈盈  
老年見遊女掀髯展眉晴少年見遊女褰裳整冠纓東衢與西巷  
觀者私自憐叶使君從南來蕭蕭聞馬鳴遊女却不前回身避柴  
荆衆人共踟躕咨嗟意不平遊女謝衆人邂逅真僥倖叶捷徑畏  
窘步貧軀厭知名容華頗易衰私愛空營營不惜一再顧恐教傾  
人城

對酒行

先民皆飲酒寓意忘其形今人在醉鄉而獨惡其名人醉我獨醒  
衆人反吾輕我醉不在酒以酒陶我情舉世皆不知知我惟麴生

雁門太守行

不見雁門高安知太守驕雁門高雁不可度太守驕新不如故堂

堂復堂堂漢家重循良幾人考上上承恩奏明光幾人考下下貶竄之他邦五馬煌煌二千石河間姪女同朝夕徒手相將拜路塵脊莫近前太守嗔

東飛伯勞歌

東飛伯勞西飛鳥前有子規後鷓鴣錦堂芍藥不能住東邁西征將奈何莫謝朝華愛夕秀浮生何異葭中草爲君歌舞爲君壽金尊玉斝成歡娛不見東家成婦雪爲鬢西家蕩子霜爲鬚曾說烏頭亦能白請君斟酌勿躊躇

門有車馬客行

結廬傍隘巷蓬蒿繚頽垣終日不出戶頗省晉接煩穿墉畏黠鼠報時愁驚猿路幽長春草樹深遲朝暾遙洛陽陌忽聞車馬喧剝啄叩我門使君已停軒整衣出門迎長跼爲君言巷南隣戚里巷北居王孫家家列畫戟處處誇名園徵歌復選舞嬖妾如雲屯鴛鴦七十二羅綺香溫磨上客躡珠履華筵倒金尊主人自賢豪

道腹堂詩編卷第八

七

信陵與平原願君舍窮巷往從貴者論使君悵然去衡門留轍痕

劉生

男兒負氣節祿利非所謀四海重知己慨然獨淹留千金決然諾白首訂綢繆刀鋸不足畏鬪鏖奚足憂方謂平生歡如魚附水遊無端忽疑間操戈反相投肝膽旣楚越腹心亦寇讐疾之不遺力排擊難自由昔如芝與蘭今爲薰與蕕戚戚怨寒盟拂衣歸故邱故邱渺千里河廣川無舟君子貴知命居易夫何尤微軀感主恩捐糜未遑酬行當請長纓執殳赴邊陲

怨歌

蓮生於泥萍生於水本不同生胡爲同死

五雜組六首

五雜組陌上花往復還田水車不得已爬瘡痂

五雜組穰瑜錦往復還鞭轡終不得已作縣

五雜組種菜畦往復還耕田犁不得已龜曳

五雜組玉泉魚往復還磨房驢不得已中副車  
五雜組水紋裂往復還車輪轍不得已飢齧雪  
五雜組孔雀屏往復還走馬燈不得已念佛僧

道腴堂詩編卷第八

四

道腴堂詩編卷第九

雲中 鮑 鈐

西園 蘇 氏

忽祿齋續稿

人口集諸姪賦詩呈家兄

春光幾度惜離羣  
絲竹中年耳倦聞  
今日且教文字飲  
詩成亦足張吾軍

鹿塘

信有江湖趣  
冥冥碧漲天  
鷗飛迎馬首  
波動洩山烟  
何處堪濡足  
于中少釣船  
因思茗雪夢  
歲月幾遷延

首春途中

臘雪猶未盡  
東風作意陰  
浮雲西日暗  
春水野塘深  
温飽妻孥事  
關山兄弟心  
迷途問來客  
杳杳轉空林

六合

狂飈吹海立  
雪浪起龍洼  
城西三里白日千林晚  
青山數點斜  
客心驚

道腴堂詩編卷第九

節物時距上元四日旅髯惜年華  
小邑看生聚  
炊烟幾萬家

儀真

幾載迎鑾鎮  
舟車感舊遊  
不材遭世棄  
多病媿身謀  
破帽潘郎髯  
寒衣晏子裘  
東園尋往蹟  
漂泊又真州

胥浦伍子胥渡江處在儀真縣西五里

賸有單碑在  
荒溝古水濱  
蘆中感窮士  
江上泣孤臣  
解劍恩難報  
吹簫志已伸  
怒潮應不到  
寂寞楚江春

茱萸灣

鑾江方信宿  
春雨暗津渡  
凌晨喜放船  
消搖從所務  
烟中見暹村  
心知舊時路  
繚垣鎖離宮  
金椎隱芳樹  
峩峩宰堵波  
丹碧煥如故  
平生湖海人  
頗諳舟楫趣  
回頭憶往年  
川涂屢沿泝  
忽忽事勢殊  
權情不相赴  
脫手葭中葦  
彈指草頭露  
空遺身世憂  
漂萍何日住  
前臨潤州城  
過江期旦暮  
悵望笠澤雲  
閑心逐沙鷺

元夕泊瓜洲

路轉三汊河風滿一片席冥濛暮雨催維梢江上柵孤城宿暝烟  
極浦斂寒汐市鬻競春燈上元屆今夕依依悵旅情渺渺歎睽隔  
三十雖盛齡童心早消釋未遑慕榮路徒此迫行役團圞婦子情  
迢遙故鄉陌欲歸謝未能生計悔疇昔輸他庾彥寶林泉十畝宅

### 京江暮雪

春枕夢忽破一帆飛渡來江山帶城郭縹緲間樓臺連天雨濛濛  
薄暮雪體體艇寒不得進風激濤頭迴有客坐掀篷伊鬱方當杯  
清興忽超越愁眉爲誰開却思黃鵠山戴顓昔徘徊便將蠟雙屐  
直踏寒雲隈招隱話遺蹤芋火同僧煨

### 舟中對雪懷人

芙蓉樓下春蕭索粉散群山化凝碧琉璃匣研滿池冰那更含毫  
能序白午潮初退風颼颼橫牀凍滑舟子愁棹歌一曲心已猶山  
陰夜雪剡溪興與子期乎河之洲

### 丹陽道中懷耿暉師之任粵西

#### 道腴堂詩編卷第九

二

聞君渡揚子良晤竟無緣悵憶臨河別音書隔歲傳暮雲湘水雁  
春雨練湖船旌旆悠悠去灘江何處邊

### 毘陵道中雪

漠漠雲陰重蕭蕭苦竹斜辨村有微徑隔港是人家春到復爲客  
樹寒猶未華蘭陵酒可飲莫使旅情賒

### 木瀆道中

裁舍笙歌隊橫塘偶泝沿天浮春水艇鳥沒夕陽烟塔影依山直  
林陰菴岸偏穹窿望不極暮色遠蒼然

### 靈巖懷古

遠山互鉤帶石鼓近青蒼不見拜郊臺

中吳紀聞云橫山有吳王拜郊臺

采香徑已荒

浮圖千層霄睽茲選佛場危構架木末晨鐘墮微茫萬松隱山門  
橫斜露紅墻石勢各奔峭嵐彩紛飄颺遠眺箭河流獨尋響屨郎  
井榦映碧蘚止水含幽光千年鑿亡吳說法歸空王遺跡尚在看  
歷歷咸可傷迨遙物外身淒涼劫後香弔古玩晴暉盤桓意難忘

俄晷日西側樵歌轉前岡

登吳王琴臺望堯峯弔鈍翁先生

吳宮今不見臺古只蒼山蔓草縈烟冷荒苔點石班  
舉頭青嶂合列坐白雲閑彷彿若華屋巖扉近可攀

下研石山

路轉松梢灌莽橫湖天晴靄不分明回頭不見靈巖塔  
徧聽登登鑿石聲

遊支硎華山

温公有名言徐行則不困况負濟勝具未嘗苦登頓  
勾吳蘊靈秀夙肯意繾綣曷來訂山遊稅駕不待勸鼓勇  
跋繩扉瘦筇藉孤健佳境須漸入延眺忘路遠一徑歷  
坡陀諸峯引枝蔓修林蔽神囂怪石架門闢精藍次第  
尋寶界參差獻松高壽始洪澗淺泉猶嫩蓮峯孕寒翠  
天池渺雲漢坐聆上方鐘悠然慕支遁老疾欣未至  
小住抱遺恨我非買名客雲壑忍賣取他年誓卜居  
斬茅樂肥遯

道腴堂詩編卷第九

三

閑登何點席時設名僧飯選官復何如終媿麒麟植

白華山至法螺

高高翠巖寺初下凌風棧繚繞亂雲根一一青蓮瓣  
乳竇噴紅泉蒙流吐碧明幽蹊漸紆曲嘉樹益蔥蒨  
眇眇聞土家鳥聲聞佛現清潭饒麗矚淨界延素玩  
入門功德香温磨通鼻觀支郎敬迓客佳果薦枲案  
彼此絕名言開心寄茶串

登天平絕頂

天平山頭無寸土亂石杈枒作門戶陰厓老屋蘚花  
封玉筍嶙峋勢撐拄羽林天仗列攢攢萬笏趨踰隨  
鹵簿老松鬱律幾千秋奮鬣張髯無乃怒仰扳猿臂  
接飛猿直上層巔監宿莽青螺峭拔壓群巘坐視兒  
曹難指數巾子峯高似椎髻白雲泉清如潑乳遠公  
舊址已淪化但見浮嵐洩荒塢幾廻延望闔閭城疋  
練叢花燦可觀美哉涕淚憶牛山霸業區區但黃土  
傷心吳越舊陽秋往事何堪更覩纒茲遊竒絕豈  
意料蝶夢莊周同栩栩便思濡足太湖流

身輕曠若生毛羽

光福

數里龜山塔扁舟入崦東人家明鏡裏古寺翠微中樹色榮千畝  
梅花香幾叢浴鳥迎棹起飛逐釣絲風

由虎山橋入下崦往元墓道中

首春少佳日風色欣快晴值此好溪山能不心意傾短篷任徐推  
漾漾天宇清平林眺高鳥淺鳴聞樵聲玲瓏洲渚環駘宕嵐靄輕  
銀塘滿不流淥淨鱗甲平機舟入墟烟亭午竹雞鳴水風襲衣袂  
山翠沾冠纓花鬚間松毛掩映多佳城澗草漸甲坼巖木競含榮  
鄧尉連青芝逸態看橫生應接此不暇遑屑世上名

宿聖恩寺二首

萬峯古道場樓閣何耽耽鬱然松竹中初不見精藍繞寺多寒梅  
香色皆可參晏坐結跏趺勞筋已不堪湖波聚暝色剝竿沒烟嵐  
倦來四大空一單吾所甘箇中小三昧與彌勒同龕

道腴堂詩編卷第九

四

浴罷聞昏鐘下簾閉孤閣衆僧方宴息心跡兩冲漠一燈方丈明  
湖山了無著灑然灌木聲飛雨夜深作心安夢境清布衾頗不惡  
悠悠身世事何如此棲托

曉坐還元閣望漁洋山

僧樓借床眠宵殘聽粥鼓清盥據梧坐山翠飛入戶夙慕漁洋名  
常如夢天姥夜來看不足朝憇勞更挂冠將螺子黛鏡中畫眉娥  
法華雖附麗甲之奚足數憶昔王尚書好事曾掠取至今竟屬公  
湖山號宗主譬諸冶城墩風流擅千古自來稱王謝後先堪接武  
平山一瓣香敬爲先生許典型猶在望蒼茫雲縷縷

贈鄧尉鶴山禪師

爲訪仁祠禮鶴王低徊桑下宿禪牀旃檀香散諸天暝樓閣雲深  
曉氣蒼列岫參差圍講席澄心湛寂映湖光何時重結青松社恐  
草靈花夢不忘

法華鐘樓眺米堆山

萬重修竹寺門圍頭白山僧聽講歸日暮鳴鐘敷坐處夕嵐飛上  
福田衣

五雲洞

斜陽在高山湖雲淡將暝閑導一僧行披榛踏松影遙瞻米堆山  
近踰柴莊嶺危坡戒歌側袞徑昧畦叮夤緣入幽谷登降落智井  
石骨裂厓腹藤蘿懸汲綆仰聆清溜滴涓潔泉脉冷瀦爲浴鳳淵  
小波自泝澗野衲喜客至活火瀹香榘攀躋到禪棲牕几倍閑靜  
地偏供養稀心安塵累屏打鐘與掃地此外百不省誠哉樂莫樂  
勝於奉朝請瓶拂期重來方袍從圓頂

過長旂嶺至蟠螭山坐石壁下

修樹翻靈禽僧堂飯初罷威紆花徑曲窈窕穿林罅踈籬透梅香  
繁枝牙低亞幽幽森森筵曖曖隱隱桑柘風磴藏歲筵澗道疊高下  
解衣憇山亭流覽意閑暇度陌復越阡策勳雙不借蟠螭數仞山  
綿亘俯湖汊石壁如列屏翼然抱蘭若堦前松千尋邱中屋三架  
牽蘿補山楹累土展臺榭帆外指洞庭微茫隔幾舍餘峯點點青  
聯絡若姻婭探竒獲心賞造物不論價便欲遂長往塵纏急難卸  
相期盧橘熟定來謀結夏

鄧尉絕句八首

檀欒陰裡望青芝谷口人家到漸知又覓花香過林去藤梢橘刺  
掩笆籬

渾東流水接渾西幾稜腴田割作畦真是藝花如藝粟任他桃李  
自成蹊

接得梅椿遍地栽花光粵綠一時開自從移入山塘市盆景妝成  
費剪裁

幾條浜接太湖灣隱隱青螺墨點斑真假山志稱爲奇石在聖恩寺後栽一拳石何  
如七十二烟鬟

一樣梅花望不分遊人先說老張墳六浮閣外香如海閣在新張墳朱竹垞先生書額  
不隔溪山只過雲

花光明滅媚烟晨取次東風一番去新眼見太平春有象小雞山

下樂樵人

陸魯望有送小雞山樵人詩序

風俗村村樂事賒買山準擬傍吾家山名從來不種紅蓮稻剛得

花闌便採茶

年來何事挂心頭遊徧麋城及虎邱賸有姑蘇臺未到與誰同上五湖舟

歸憇董墓看梅又得三絕句

水邊竹際好林園不斷青山繞墓門銅井銅坑遊未徧淡烟籬落又黃昏

當時河渚踏春泥小艇尋花畧約低舊夢尚依香火社十年今又

宿招提

癸巳春客杭州友人相邀看梅留宿西溪僧舍

西磧曇東恣意行住山三日尚含情從今紙帳春宵夢添得僧廊浴鼓聲

溪行值雨

道瘦堂詩編卷第九

六

春雨細霖霖茗水清漣漪獨駕數尺舸溪靜風差差睡裏望人家烟縷裊晨炊林缺映積落岸廻掩蓬茨寒墟麥苗秀平圃菜甲肥野艇出殘蘆圩港何紛岐遠岫遙寒色桑枝曲蔽虧望望每掀篷濛濛欲沾衣蕭寂成餘閑興情愴支離祇應元真子不負此心期宿淨慈寺僧樓聽雨有懷城中諸友人

結習愛高寢托跡思香臺今宵喜抱衾清興何悠哉洗脚關門眠無事勞形慙颯颯風雨聲蕭條湖上來殿角聽鈴語石溜爭喧逐山氣滅明燭江雲黯空堦故人隔重城掩關卧茅齋寂寞牀頭書淒涼林下梅素心亮能同相思水一涯

山中蚤起

味爽罷櫛沐披衣坐聞鐘宿雲淡將歸竹所生微風鳶鳴古木顛廻翔掠遙空湖山旣澄寂牕戶皆曛曨觀物心彌閑何者爲吾躬聞諸公見過僧廬不值却寄

冥冥春風湖上山遲君不至又空還黃妃塔下歸來晚坐惜蜻蛉

坐冷泉亭

西湖三百六十寺靈隱獨擅飛來峯門庭縹緲入圍畫松陰羃羃  
泉淙淙石痕斑駁佛像古洞戶掩曖春嵐濃摩空秀色照眉宇落  
日雲霞定幾重

呼猿洞

偶尋樵徑入密竹苦縱橫流水溪橋淺莓苔石壁生劫殘環尚在  
人去曉還驚日暮天風起依依三峽情

信宿寧峯菴

空谷何蒼然環山透林邈僧舍如雞棲掩映好泉石苔古蒼篔簹  
澗淨菖蒲碧花寒坼梅葢屏榻妙香積曉簷慈鳥翔夜幌天籟迫  
法身了可見萬境不吾逆世機消息盡低徊永朝夕

石筍峯蘭石

踏閣知山幽山迴見湖曲威紆來徑逃森捎萬竿竹竹泉引僧厨  
道腴堂詩編卷第九

七

澗道細淋漓禪房十二肘高下托羣木懸檻生虛寒白雲所曾宿  
佛火淡幽燄衲衣淨寒綠遠谷傳清鐘驚鷗觸飛瀑牕中窺石笋  
孤標出雲族未遑賈餘勇延首亦良足後期乘月明逍遙整斜幅  
由石筍峯下至永福寺山道中作

危磴幾十級蹙跚立不定瀏瀏竹間泉泠泠花外磬人語出空林  
禽聲遠相應

坐飛雨軒示山止禪人

谷鳥啼春雨空山尚宿雲虛憇落巖翠孤嶼颭池紋磴倚魚衣滑  
泉從竹笕分閑心證仙佛清籟故紛紛

聞友人遊揚州用韋韻

聞君發若溪去作邗江客輕舟悵越鄉家計無僦石雲山一相望  
明月千里夕訪古到雷塘風流弔陳跡

湖上用韋蘇州龍門香山泉韻

春光解娛人客懷愴無慮久脫塵鞅羈城市未遑去好山晴繞湖

老梅香滿樹摘船足初倦沿隄目方注鳥鳴邱中賞魚戲鏡中趣  
景物餘清妍昔人所遊處白蘇今不作風雅情何寓

淨慈寺居月夜同楊誨仲登鐘樓眺望

故人肯就宿愛此烟寺留頗遺世中情蕭閑物外求散步依山庭  
月色松頂流露潔天宇淨夜景如清秋列樹映南屏蒙密紛蚋蟻  
一氣納沆漭四望涵空幽逃離帶湖奩漾巒岫浮憑欄憶蘇仙  
彷彿承天遊茲事已不再襟抱追前修寥寥千載心廓然消煩憂

將遊道場山會雨不果偶拈東坡江行見桃花韵寄吳孝廉山樵

夢想溪上舟芳洲擘宿莽城南好泉壑烟波孰間阻夜來燈下約  
襪被向前浦却惟天公慳十日九日雨無人爲說法歡喜諸天女  
淒涼散花候腸胃滿塵土旣乏縹緲人復少蟬連語困眠滅情興  
何由見風舉憶昨西冷居朝暮一枝擄湖山縱臨泛東南美賓主  
寢食俱可忘那計羈旅苦如何習遊地山英忽各與蹋壁思前期

道腴堂詩編卷第九

八

愁緒紛織組心知南山南獨鶴白軒翥

遊法華山用東坡宿臨安淨土寺韵

逆風厭舟遲遊人已傍午抽閑心跡清蕭然不廢務畧屨蒼松陰  
宥寫青蓮宇言從密竹徑屐齒穿雲縷樹深鳥成巢亭空燕新乳  
湖光杯上浮峯螺遠堪數側景挂漁帆孤烟出村塢廻眸欣望羊  
了了快披露遺詩詠昔賢故事徵幻語流觀凸凹壁壁有宋石門祖畫山水仙舟  
夢歸路昔遊恍前塵五載一來顧放曠且隨緣天地同仰俯

雉城遇吳山樵見示近詩卽次原韵

潦倒相看一笑譁合并幾夜驗燈花溪山浪跡非關癖草木知名  
豈是誇解穢不須呼羯鼓滌煩何用仰真茶由來名士多文富吟  
罷餘芬襲齒牙

月夜吳山樵見過僧廬

步履西隣近來敲月下門風庭涵荇藻水木映清渾密坐論詩品  
冲懷謝酒尊夜涼聞穀犬閣閣吠城根

馮留士邀飲簡兮亭卽席口占五絕句

周妻何肉兩忘情日飲亡何計已成君似陳留狂阮籍眼前我媿  
勝公榮

先生風味似茅柴傾倒何妨荷鋪埋座上喜無程不識尊前且盡  
酒如淮

穠桃兩樹隔牆看容易春風釀面殘裁撒胡荽一巡罷松枝又聽  
發談端

幾度停杯感歲華風流幫屐類搏沙羅婆五載蕉隍夢記醉鍾園  
米穀花

丙申初夏留士邀集鍾太守園亭

巾幅蕭然居士身侵尋回首笑陳人向來拜表行香日博得清尊  
醉過春

時過萬壽節

懷嚴侍御二首

一爲江海別獻納喜知名讜直傳三疏因循謝六卿會看鳳尾諾  
逢羨豸冠榮 聖代求言切休嗤伏馬鳴

道腴堂詩編卷第九

九

東華翹首處十丈輭塵紅唯唯羞言路行行避舊驄除書朝拜命  
臺閣暮生風籌國緣經術羣情想望中

夢何潔堂先生

七年死別悵恩慙穴招魂阻浙東未哭寢門防腹痛似聞夜壑  
少途窮生難作賦逢楊億沒肯遺書待所忠一種風流從坡谷料

應遊戲杏園中

陳后山事見春渚紀聞

訪方文翰已返淳安不值留贈二首

花時同汎木蘭桡憶泊西湖第二橋欲貢深心慰迢遞新安江上  
隔風潮

周北張南問訊頻青楊巷與白楊鄰殷勤貽我三都序何止分才

了十人

方所居與朱鹿田相近頃得所留手書并拙集序言

初夏同高樹一金壽門泛湖用東坡書林逋詩後韵

青山巧作屏風曲蒼鬱新陰遶湖綠林間貓笋長於人湖面龜蓴  
滑勝玉鹿頭船中唱赧郎縱爲情死差免俗禹禹戢戢爭驗喁瑩

潔不用燃犀燭我生江湖狎漁釣到處褰裳便濡足多因性命忍  
須臾敢羨燕頤飛食肉翹關負米嗟無能氣力那堪兵部錄時有營  
弁數人  
水仙祠下一酌酒高唱慕歌河女曲阮修挂杖終計錢哀祭  
造門惟咏竹膾魚庖鱉醉村沽未肯忍飢賦杞菊

前詩殊不盡意再作一首

城中擾擾拋殘春鳴鳩乳燕應嗔人此邦信美久留滯便教濡首  
休嫌頻典衣沽酒笑逋客賞心樂事招飛隣清和四月雨初霽袂  
衣一扇仁風新學士港邊絮吹雪岳王墳上草承茵兩湖酒舫難  
具數紛如亂葉飄秋旻時看醉帽側白帽或驚高髻聯紅裙湖山  
面目識者少雕墻峻宇非全神吾儕落落差解事每於僻處求其  
真要知快意不在酒亦惟假此供陶甄夏統扣舷心似石符融奮  
袖談如雲華林魚鳥想濠濮陰酬醉忘主賓憶昔曾爲百日客  
癸巳春曾客  
湖上三月窮途彈鋏常悲辛祇今添占寓公籍青鞋布韞方抽身亡  
羊臧穀均一致是非吾未之前聞區區芻狗終棄物西冷風月無

道腴堂詩編卷第九

時陳

寄家書

久客成孤注雄心已漸灰春同流水逝愁並沓潮催不朽終安在  
私貧豈浪猜媿非蕭穎士童僕少憐才

懷夏其蘇

仁壽橋邊一棹歸景疏樓畔尺書稀不堪舊雨如星散又見楊花  
作絮飛我已壞車將采隱君應抱瓮竟忘機中年哀樂難陶寫瘦  
損維摩帶幾圍

駕湖寓樓寄汪千波員外

時在令弟苻洲  
先生學使署中

放鶴洲前一棹來月波樓下試新醅江湖到處常爲客晴雨連朝  
漸熟梅三載情親多契濶五花賓館少追陪金陀遺帙猶堪問漫  
與愁眉得暫開

食鴨餛飩

破殼初成生意徂不勞鴨母漫將雛畧加鹽豉堪調口偶爾實緣

便入厨七字曾吟賀梅子五言重賦小長蘆見曝書亭集鹿轡雁醢周官長方法何須問膳夫

客中感興

林昏裁喜見朝陽碧草猶含雨氣涼久客情懷殊作惡中年絲竹正難忘悟禪貽笑王平甫泥飲稀逢顧建康幾日傾脂河上住消瘦端在黑甜鄉

題祝氏綠溪莊

我來長水上極目少烟爨愛此一邱好居然列岫閑樹深牕几綠池淨蘚苔斑寂若無人徑披帷慙客顏

泛舟由烟雨樓過碧光菴同開悟上人登真如寺塔

飛樓眺烟雨景物晴亦宜佳遊選勝日遂泛城南陂宛然滄洲趣渲出虎頭癡林塘寫明鏡隱帶更多姿荒磯崩積蘚登降怯步遲摘船魚樂國延緣蘆之漪還攜鐵如意復此林下期雙樹蔭碧沼渟澄鑿鬚眉扇底窺紅鱗游泳涵天機是物具佛性吾生愛禪嬉

道腴堂詩編卷第九

士

乞士頗識字粗能辦新詩赤髭白兩足趨捷師子兒導我窮色界千仞一振衣四野樹如薺孤城疋帛圍近形與遠勢了了目不遺捨宅憶裴相洲島餘空基俯增今古歎一洗羈旅悲

過汪氏園訪曹秋岳先生倦圃遺蹟遂入金銘寺謁范少伯祠同遊者五人

侍郎變滅隨飛霜倦圍圖帙應已亡誰知宋玉臨江宅異代直溯金陀坊宋岳珂故居傳舍闕人何倉忙其始則岳今則汪滄浪魚鳥屬子美平泉木石噍贊皇今我來斯意難忘駕言寫憂反增傷縛亭壘石紛在眼無情池水猶泱泱鐘魚朝暮來東墻蝶夢栩栩誇蒙莊不知何者是主客金繩咫尺求津梁建刹年代不可詳湖天海月空茫茫鴟尾扁舟自茲去城隅一水名葦蕪湖至今姓氏人稱揚緬昔功成遠飛颺知幾不待良弓藏黃金鑄像永久何如俎豆千秋光平生望古一瓣香宅年山水聊相羊不願千金買田宅與人憑弔謀非臧

和友人寓園草木禽魚四咏

當歸花

縱有文無目扶踈也自竒寄書懷遠志試與問姜維

小松

盆山何蒼然輪囷盤五鬣只此一寸根秦官了不涉

十姊妹

比興詩人闕經遺爾雅名潛來花底見瓊尾可憐生

毛詩傳云瓊尾少好之貌

金魚

方諸一滴水來往若乘空不識江湖濶還容赤鯁公

懷吳尺鳧二首

每逢南雁望燕臺問事愁聞北客來障籠可能身自主啣碑信覺口難開人非西邸招賢日事異梁園作賦才記取季倫真不迂要知奴輩利吾財

彈鋏何人肯見存曳裾非復孟嘗門樂天枉說無名死宋玉難招

道腴堂詩編卷第九

七

已斷魂空載張華三十乘誰知老子五千言西冷風月東華土他日從君細較論

輓蔣大梁二首

長城人材苦寂寞蔣生清瘦不勝衣十年計偕走京輦朱門謁謁心無依殘杯冷炙詎屑意終朝誦經甘忍飢寄聲修文地下客人間何必歎知希

一雨連日不啓戶少微星變喪斯文清盥剝啄客報我豈意與子長離羣詞場替人恨不見織兒幼夫徒紛紛輕塵弱草孰非是凌雲一笑他無聞

湖州夜泊對酒

異地爲歡少新愁况爾增烟波連夕夢風雨隔船燈客泪猶承曉悲歌但拊膺深盃甘百罰牢落苦無朋

投高司馬

一從投綬誤歸期布襪青鞋嬾散宜杯酌屢叨簪組末追陪重接

笑談時韋詩房酒君兼有送客留髡我不辭却傲袁絲真得計身  
閑無礙起常遲

卽事

接日黃梅雨溪寒五月秋暮禽常次屋宿火未離篝涕淚頻年事  
江湖滿地愁多應衣帶緩不爲稻糧謀

雒城客舍與高樹一三首

江湖風月話前期又是漸漸麥秀時記得去年桃葉渡畫闌燈影  
正參差

墻陰過雨長新苔老樹空庭舊徑開盡日閉門無剝啄堂前燕子  
記重來

溪水平添三尺清烟蓑雨笠阻人行却教洗盡箏琶耳飽聽檐間  
裂帛聲

夏日雜感三首

天涯淪落意難任閉戶徒爲擁鼻吟六月何曾御絺綌三旬嘗自  
道瘦堂詩編卷第九

三

聽愁霖身如陽羨籠中寄夢好邯鄲枕上尋聞道逆魚迎暴漲平  
生蝦菜五湖心

北牕炙轂憶當時冷暖惟應君自知不奈罪歸房瑄客何常知有  
蔡克兒紛紛未敢輕餘子碌碌無須續古詞任是麻姑弄仙術少  
年狡獪已堪嗤

蚤年齊物悟莊周萬事回頭合罷休被酒重遭霸陵尉作書空貸  
監河侯縱教得意誇蒼隼未便忘機笑白鷗報道先生方枕麴葡  
萄未肯換涼州

楊梅

來從弁山麓初向客盤登脂潤沾紅雪肌柔孕紫稜南村名久著  
見蘇詩晚市價初騰次第論流品還須讓聖僧

放歌行與高子

生不願甘五鼎食亦不願作九州伯但得希巨混沌譜勝飲中山  
酒千日苦笑世人不解事鱗甲填胸亂矛戟馬牛襟裾虎而冠王

莽謙恭和嶠癖印何纍纍綬若若鼠目麀頭互排格身名喪失不  
旋踵此理何須較尋尺古有遺臭與流芳豈是區區折簡客我生  
三十粗識字眼中之人君莫逆我無媚世具君固尚長貧神仙富  
貴成兩失詩書信爾欺得人險不能學處仲忍傲不堪受嗟來憐  
灌夫罵坐子能耳藥布辱身吾耻焉酌酒與君歌君爲一起舞不  
見淮陰胯下人意氣羞與噲等伍

舟發

經旬始出郭眼明山更幽水風旋散暑溪月預澄秋此日足可惜  
異鄉難久留長誼問漁父鼓枻不回頭

寄贈沈子慕二首

長興人家於互典有夢華集詩一卷婦湯亦能詩

幽人勞夢想望岫意難忘感慨從燕士沉冥類蜀莊歌詩存古調  
抗跡托殊鄉自得逃名趣人稱杜五郎

聞君棲遁處花竹自墻東遶舍三分水全家一畝宮灌園隨仲子  
舉案對梁鴻嘯咏堪終老蕭然林下風

道服堂詩編卷第九

古

伏中雜詩五首

閑身結夏似逃禪雲薄紗幮穩晝眠夢到蘇門傳嘯旨綠陰高柳  
一聲蟬

不見荷花繞郭新年年惆悵下塘春只饒飽飲江鄉味芡蕒菱羞  
最可人

兩字平安遠寄家前程休問鏡中蛇而今酒債尋常有閑殺東坡  
玉書叉

未能采隱息機心坐使愁多百病侵近日頭風不堪苦故應草檄  
憶陳琳

乞得刀圭手自丸更教何處覓心安風懷却似香山老只欠連龕  
子母丹

夏日喜韓怡園偕吳江王載颺過訪有贈二首

落落吳興郡相於只數君韓郎能好我微尙共殷勤鶯脰湖邊客  
扁舟肯樂群風騷論旨格壇玷早能軍

錦暉千秋業王有錦源山秀集源流孰可名師資兼秀水竹垞先生宗派獨新城

漁洋先生幸枉瑤華贈真成綺帶盟會須雅頌手樂職譜休明

聞韓怡園王載颺同訪沈操堂太史奉寄三絕句

竹溪南望淼無津一葉浮舟下白蘋正是蒲蓮浩如海菱花風送

兩詩人

主賓詞賦各相兼落筆天花信手拈旗鼓一時推勁敵都應七寶為莊巖

宅年畫壁唱黃河迥句流傳樂部多一事故應還讓沈家風重見

小東坡謂鮑之孝廉

病中

愁來何處是天地亦他鄉矢志成孤注無家即半床食單排日減藥物透奩香只此幽憂疾醫治未有方

秋夜聞鄰舍士人讀書

閑看舉子踏槐黃回首名心一笑忘遮眼喜除文字障酌泉愁陷

道腴堂詩編卷第九

五

國人狂蚤驚時序真飄忽裁數歸期又渺茫悽絕暮天秋雨裏書聲廡下聽琅琅

同馮柳墅戴邠君小飲吳山市樓二首

滿眼江山對酒時不須畫壁賭新詞驚風捲地日沉閣丁邠橋頭

許渾詩

漱灑航船四座浮狂來醉語雜俳優它時記取看秋色好在吳山

賣酒樓

七月晦夕杭州作

暮雨朝晴幾日同寒潮秋信已怱怱數竒竟作無家客多病真成未老翁放眼江山當檻黑隔城燈火繞湖紅闌街四部無遮會鈴杵聲中試土風

哭夏其蘇

嗟爾竟長逝此心猶未然伯仁由我死舊館復誰憐丁酉冬館余幕中得疾枉挾匡時策空懷好事鉛那知辰已夢却在鼠兒年

答吳山樵二首

清遊曾記晚春天抵掌僧樓月正圓混跡常鄰調御室投詩喜泊  
孝廉船嘗來世味無如酒消去機心卽是禪聞道南山桂花發多  
時已辦草鞋錢來詩有我亦最就禪寂者  
芒鞋擬共踏秋郊之句

夾山漾口好村墟漁弟樵兄比戶居小閣留賓當雪後夜燈剪韭  
憶春初去年曾訪  
山樵村居極知泉石情原密莫訝山王跡竟疎倘得褰裳從  
子去望衡對宇結茅廬

與山樵約遊理安雲棲夜雨留宿曉起不止同用舊次東

坡韵寄卯君孝廉柳墅廣文二君亦  
約同遊

方丈峨眉居特寓峨  
眉山山庭亂烟莽平湖連暉晚登眺目無阻辱君枉

新詩明珠出合浦昨宵襍被來剪燭西牕雨佳遊果宿諾權如秉  
蘭女雖未涉四經頗欲遊九土一生幾兩屐應是我輩語囊中華

巨圖負戴力易舉朱文公常欲以不作華巨圖刻山水凸凹之勢度  
一人之力足以負每出則以自隨肩鶴林玉露凌晨盼湖壘  
愁雲蔽樓櫓天公裂風景人事不自主誰知對牀聲却似茹荼苦

道腴堂詩編卷第九

夫

尋常四威儀相向空與與戴顓樂琴樽馮唐困簪組緬懷宗少文

卧遊興鶩翥

將往禾中別吳孝廉

西風故送檐間雨使我尋山雙屐阻蕭晨忽散嶺頭雲與爾拏舟

兩地分返亦將  
返吳與世間萬事真何有春鷓秋蟀如翻手去泊冬瓜堰外  
船重沽橋李亭邊酒我輩行藏大抵如莫嗟白首困公車佳兒鄰

上誇文度嘯傲溪山且著書

韓怡園過談竟日二首

南山叢桂發柳樨遲君行逾月談諧潤多時鄙吝生懷人清頰尾

結客下菰城通劉元敷先生客吳  
典附有手書見及日暮東園返蕭然巾襪輕

裋裏僧彌賦溶溶秋月新小詩愛清畫文字比鐔津約介梁溪水

論詩結淨因何時搜椀夾同作打包人時出梁溪僧愁崑秋月賦并  
五七言詩各一章頗可誦

中秋夜馮留士邀泛鴛鴦湖

千頃湖光收不起空明直接銀河水晚烟濃淡疊樓臺燈火蒼茫

映城市舟入菱花一道開叢蘆瑟瑟搖清泚笙歌幾隊泊中洲一  
派繁音蕩心耳從來勝事數吳會風俗相沿二百里况今承平四  
海一六十年間盛生齒豪右無聞灾青滅閭巷嬉遊艷羅綺君家  
故鄉我異國未免有情難遣此憶抽手版脫朝簿谷飲邱樓將已  
矣無端闌入歌吹海權情比當相料理人生隨分須快意涼天佳  
月中秋是酒闌燭跋舵樓眠游魚潑刺驚船底

鴛湖中秋曲四首

五龍橋邊酒舫開金波瀲灩照行杯阿儂不耐秋宵寂鬪取清商  
幾部來

帛蘭船做碧沙牕錯落紅燈列兩行玉案玲瓏堆佛手膽瓶吹散  
木樨香

隊隊明童倚檣枝臨風吹徹玉參差一年難得今宵好勸郎莫問  
夜何其

恍開奩鏡照清輝底事青蛾皓齒稀想在瓊樓最高處天風寒透

道腴堂詩編卷第九

七

六銖衣

東塔寺上方

古寺蕭梁舊猶存漢代墳朱買臣墓浮圖當檻蠹流水過橋分徑轉籬  
根榜樓開樹杪雲秋花方滿砌紅紫艷續紛

朱買臣墓

遺事徵班史來尋墓草枯寧慙蘇季子不媿魯秋胡懷綬驚群吏  
行歌棄故夫到頭年五十富貴與誰俱

嚴助墓在天寧寺

漢代崇文學誰居第一流俳優異方朔親幸重吾邱故土終難戀  
深文卒見收可憐兩太守勅與買臣俱為會稽太守咫尺墓門秋

秋夜

客懷忽支離把書未竟讀秋室無俗聲傾耳意悵觸風撼廣陵濤  
雨濺匡廬瀑零落舊遊心寒燈耿獨宿

秋日雜詩五首

萬境分支後憧憧只此心勞生輕毀昔浮世重非今雨枕無佳夢  
秋林詎好音詩成厭愁語閣筆懶長吟

恩波窮澗輒萬里阻龍池富貴三年艾心情八瓊絲矣眉休見迫  
緘口已嫌遲野意憐沙鳥招呼待爾知

合眼三千界真心一味禪觀空離指月食蜜竟中邊流水閑多態  
浮雲故作顛向來惑破路空費草鞋錢

蜻蚶依頽壁躡蝟戀破牕功名瓶落井古詩莫飲瓶落井一去無消息世事鎖橫江邊  
塞頻輸粟羗戎未乞降幾人稱國士今古果無雙

食少三升飯囊無二徑賁病思荒似草愁緒冗於絲退戶難勝酒  
臨文怯致師壯年徒自悔不逐鬪雞兒

送錢秀才返長興

幾載宦遊地并州似故鄉橫塘菱已老去路稻初香流水環鳩柴  
霜楓冷畫莊錢所居名畫莊有鳩柴關寄聲諸父老倦鳥憶南岡六朝士大夫多居之流慶之詩徒步還南岡

送諸襄七之杭州兼訊厲太鴻

道腴堂詩編卷第九

六

細雨下寒涇雙橈何處停潮迴鐵幢浦秋冷衰茶亭爲語城東客  
相思歲幾經著書應滿篋好寄慰飄零太鴻有城東雜錄若干卷尚未脫稿

讀漢書

法主挂牛角子美下斗酒軼事思古權流傳艷人口自我束髮來  
涉獵幾觸手尋章摘句學千金享敝帚河東三篋書零落亦云久  
閑從南渡僧開函喜相偶非是遇異人只如逢故友熟讀而深思  
疑義不須剖次道譬掃塵隨掃復隨有質錢鄙充食餓死覺無負  
何暇掉書囊三冬足用否

晚過雲林寺同樹一秀才

幽尋來薄暮人跡靜空林渺渺經香阜層層生夕陰僧閑千指衆  
門掩一峯深不是忘機客誰能伴苦吟

寧菴峯早起

夢覺聞清鐘迢迢東澗起次第諸精藍梵唱紛無已山枝聒寒柯  
龕燈照空几嗒然竟忘言觀心如止水

紅于閣曉望

逝水年光鬲鬲過天涯倦客感蹉跎三秋霜變丹青樹五色文成  
灘渙波銑谷繁華開步障諸天花雨散仙陀朝昏景物應殊態輸  
與山僧領畧多

劉元歎先生過訪有贈

耆舊風流碩果稀角巾歸老念烏衣潁川人物空前古宦海功名  
任昨非抗跡江湖真落落論交杵臼重依依樵蘇不爨清談坐潦  
倒相看杜德機

構李遇劉元歎先生卽別

聞君遊吳興旋鼓西泠棹平生山澤情不負知仁樂歸卧潁西湖  
雌椎試相較後期定褰裳扁舟訪漁釣

客夜

卧聞風雨攪林聲獨對殘缸照壁明幸少僮租人敗意朗吟枕上  
喜詩成

道腴堂詩編卷第九

九

遙送友人之金陵幕

翩翩書記楚江濱樽酒離亭遠夢新潦倒莫傷逢掖賤清寒休笑  
食鮭貧但知李嶠真才子不礙常何是武人他日尋君試相約花  
時同踏冶城春

吳椒亭太守讌集郡齋

採菱歌歇鴛鴦湖蘆花楓葉秋已徂天涯倦客感時序埽愁帚盡  
無錢沽月少何印四斗米索食懶就陶胡奴三餐邾莒恨不飽齎  
緣思入郇公厨邦君休沐自公暇特開高宴羅筍坐盤筵富有小  
四海擊鮮往往矜敷腴滿堂賔佐互稱壽玉鬢翠杓傾金壺南樓  
理詠興不淺西園雅集圖難摹檻前邸壑有深趣修林筠窈窕環庭  
除幽賞似坐清閤閣結構獨愛止翁廬齋中政閑符牘稀到眼彈  
棋握槊成權愉茗香烟篆裊簾押耳語膝席皆無須食蛤莫問沈  
昭畧臨叩貴客慙相如

登舟有感

風淨寒塘樹頰霜經年流落感殊鄉雲山幸不求吾是用元次山語烟水將無笑客忙兩卷檀弓寧有例四時仕宦亦何常老人橋下聞吹笛不唱陽關亦斷腸

### 湖州西路卽事二首

水落寒塘木葉空明流秀嶂夕陽中溪山真意無人識冷眼相看待寓公

來去生衣換毳衣雙丸騰擲迅如飛下峯四面看皆好偏使畸人苦憶歸

### 冬日獨泛菴畫溪

兩年脫朝籍林澤意難適雖然遂初衣飄雲天得師全來冬未半霜晴聞曷旦獨往雒城西言尋菴畫溪雲山皆舊識歲寒不改色一曲一廻看湍流更幾灣瘦藤夾碕岸野竹相凌亂篠浦地見人家選選枳落斜踟躕思往日春鷓復秋蟀載酒訪梅龍萬玉卷有藤古梅一株花紫玉重三舟慕陶峴賓客閑游行曹事與酒鏞忘情兩不驚賞

### 道腴堂詩編卷第九

二

心時未幾風景還優伶此際復誰同相憐碧繼翁

### 泊錢家潭

斜月檣烏靜村寒少吠老薄衾添徹褐朽纜繫枯椿客土三千里鄉心四十雙霜楓搖落盡愁夢冷吳江

### 送都憲朱可亭先生還朝四首

四載中丞節經綸仰大儒照人澄水鏡潔已澈冰壺萬卷書曾讀千秋道不孤蕭然鈴閣下杞菊冷公厨

已見瘡痍起深知政教頻野無石壕吏人漸葛天民威惠孚黔首明良動紫宸一身關社稷言行古名臣

尺一傳天詔恩綸出睿裁星文高北斗風節肅南臺學術崇

闡洛功名重畝台廟堂還顧念竚待作鹽梅

古道維顏俗淳風比戶成詩書端士習刀布遺諸生刑脊三千律恩周七十城孤琴將隻鶴風雪趣王程

### 寓樓書感

山館俯城市，曝背臨前軒。林人海中孤，懷誰與傳。四節卧疾病，頭苦岑岑然。鄉土念久蓄，滅景將何年。已脫利名鎖，別開清高門。放眼百億界，處身四五間。得閑且終朝，何用勞心魂。此生須自斷，天問終難言。

送吳浣陵之京五首

直北望神京，愁聞班馬鳴。因君偕計吏，使我動鄉情。梅信冬春接，江潮日夜生。上林花滿樹，相待鳳凰城。

弭棹袁公浦，初過揚子津。沙明延鷺堠，霜冷踣鷗巾。好醉逡巡酒，應攜縹緲人。旗亭新樂府，畫壁共誰論。

趙北燕南際，休嫌道里長。圖經多掌故，韻語細平章。織路連齊魯，貂裘犯雪霜。西平應有頌，早爲獻明光。時聞官軍已復西藏

弔古金臺畔，燕昭蹟已墟。買驢三紙券，倚馬萬言書。賦草千金值，才名二陸如。對牀風雨夕，向道故人踈。謂金尺尾

高齋曾把酒，促席共清談。雨散三年後，人歸五嶺南。謂曹禹門多時傷

道腴堂詩編卷第九

三

客囊復此送征驂，縱有彈冠典其如。懶不堪。

喜聞官軍入藏凱旋二首

幾年邊計切，宸衷諸道旌。麾列陣雄已見，軍書頻送喜。卽看幕府亟論功，營連滇蜀兵。戈戟地接番，爨血氣同從。此犁庭兼掃穴，

澤旺阿拉蒲相尚未授首烽烟永靜化人宮。時送達賴辣麻安生

不須三箭定天山，十萬貔貅競控弦。豈似哥舒屠石堡，直誇竇憲

勒燕然。封尸京觀，膚功奏飲馬。河源振旅旋，從古師行不到處。

聖朝威德播窮邊

悶甚偶題

驚風戰脫葉，林木盡枯槁。西湖歌舞地，閉門常卻掃。懈惰百不營，亂髮如蓬葆。皮書倦其搜，懸車謝幽討。心情強弩末，畧不勝魯縞。下簾墜北戶，清淨慕黃老。谷神體無爲，萬慮勿相騖。却愁年運道，聞道悔不早。嗟彼著頭公，頭風幾時好。

寄懷姚玉裁秀才二首

臘縛歲云暮追懼幾輩同文章歸阿士遊集憶車公雨暗求詩巷  
風寒挂笠篷籠爐兼飲扇往事轉頭空  
愛汝家居好依然廉讓間著書勤仰屋讀書偶看山雪浦菰蘆冷  
荒陂鷗鷺閑池邊交讓木極望渺難攀

客中感興

雄城三日雪厨烟斷炊薪酸風吹戶牖輕水結陰津瓜廬似凌室  
地爐慘不温兀兀坐裏手寒噤無朝昏慨然思古賢卽事傷我魂  
潘岳官序拙早見二毛痕徐郎三十餘知是令僕人我才固非匹  
年齒方等倫惻惻抱幽憤命遇多遭迤形骸類枯株衰憊何足云  
矧茲歲運週草木皆迴春茫茫集百端更僕難悉陳往者旣唐捐  
來日恐因循千秋不朽三何一於吾身徒此迫飢飭弱草棲輕塵  
好是王元謨眉頭未曾申

聞道

聞道萑苻起紛紛負販徒探丸連左輔置鼓接中途犴狴羅殊死

道腴堂詩編卷第九

枅楊赦不辜何人持節鉞憂國計全無

客有自淮北來者爲余述其事爰作此詩

碌碌復碌碌河干鬼夜哭問伊哭何爲飲河未滿腹水中魚鱉盡  
南史魚弘傳中語又復來搜粟算緡橫徵商得意兼隴蜀開府建崇牙脂膏  
自沾渥百僚試私人那容吏部錄表投無虛歲紛如馬量谷積金  
象邱山列市輦珠玉變童與妙妓羅綺炫華屋朝筵喧歌鐘夜宴  
濫絲竹日下何曾箸山海非一族水齋連艦舫彩績照屏幄唐花  
羅四季芬香散川陸驕侈縱兒孫奢僭逮奴僕盈滿古所戒禍福  
有倚伏請看石季倫珊瑚四尺足不見元相國胡椒八百斛以此  
致殺身身死名亦辱近有閩中丞淡泊寡嗜愆苦行同老僧上謂陳  
諡如苦  
僧老天眷死彌篤予謚并賜金邱壟煽餘馥陳後廢贈禮部尚書  
謚端清賜銀三千兩更有  
高安公米總憲可  
亭先生正已率僚屬三載朝天階單舸載書檣以彼相較  
量水炭異涼燠寄聲河上公聖明罔不燭未容錫元圭無爲蒙顯  
戮亟須奏安瀾蒼生免流毒

除夕過馮廣文小飲

槐市昏鴉散芸齋燭影幽微  
焚松燎欸欸送爨舟客久朋遊密  
身閑歲事周殷勤一水隔此夕尚淹留

道腴堂詩編卷第九

三

道腴堂詩編卷第十

雲中 鮑 鈇

西園

忽祿齋續稿下

辛丑元日客雒城作

睡起日晏温枯坐室南頰夜來故人酒餘醺情所愜鄉思積經年  
忽若不吾涉浮生此閑靜寸陰惜費莢

正月十日

立春裁二日離家歲已周可堪今夕酒併入去年愁細雨庭前樹  
寒燈溪上樓淒涼阮公淚遲逐清淮流

次韵答吳山樵見寄

百年大半憂思集舉世何人知後及唾壺擊缺竟誰憐枉使壯心  
常邑邑眼中詩筆君最多讀書千卷猶蹉跎家徒揚子一區宅絕  
無好事勤相過求田問舍古所諱湖海豪氣容消磨傭奴紛紛取  
金印染工往往紆青綱儀衛詎緣稽古力富貴大槩言非訛此事

道腴堂詩編卷第十

一

胸中交戰久失志無須嘆牛後雲雨終成反覆手生前行樂身後  
名不如卽時一杯酒但可全身木雁間太璞休煩匠石剖千秋亭  
上笑癡人萬事浮雲復何有醍醐甘露夙心就記得秋風訂盃簪  
鬪場試訪禪師窟智杖圓蒲好負擔去秋同客杭州約遊雲棲理安上  
元後復相訂遊弁山諸刹俱不果

上元後二日得高樹一武林書并秦淮舟中見懷詩聞數

日內旋往金陵輒賦長句奉寄

憶昨僧樓霜葉紅與君判袂何忽忽轉眼吳山雪花白又作金牛  
湖上客幾度尋君高士坊聞說扁舟下建康酒人零落詩流少感  
慨悲歌泣數行歲闌重鼓吳興舫緘口圍爐惟一個詩成難索羊  
何和夢裏時遭皇侃唾窮途幸識魯朱家遁世慙非留子嗟年去  
年來真轡景自入春風幾曾醒懷人目斷江東雲感君書札寄殷  
勤咫尺相思不相見載咏新詩如卽面依然同泛秣陵舟醉倒秦  
淮古渡頭君今來往非生客我昔飄零是熟遊雞鳴埭前大桁路  
落燈風急君應去膝前兒女笑牽衣驪駒在門那得住丈夫落拓



半江湖操觚橐筆爲飢馱芙蓉淥水何其麗時客江瀟觀紫幕中莫嘆因循籬  
下寄我行期在麥秋時訪君四百八十寺

舟夕讀葦間詩用晚步韵

冥冥初春雨荒城燈火踈今宵溪上眠曠如歸故廬灑寒榜歌清  
蓑笠從老漁平生山水興隨意一卷晝夜闌任延緣悠然罷躊躇  
雪中訪馮十詒隱居二首

幾度思乘興裁挖訪戴舟屐聲春巷靜人迹草堂幽巾褐閑留客  
壺觴足畔愁寥寥三徑友不必媿羊求

盡日未能去解頰匡說詩著書多歲月種樹偃松枝麋鹿山中侶  
蓬蒿雪後期早衰吾信有清興獨相宜

馮十詒邀酌有贈

重泛茗溪北郭船褰裳便爾共留連當杯尚覺春寒重冒雪方知  
逸興偏斯世誰教貧士樂如君真似古人賢養生更藉稽康論乞  
取昌陽爲引年精於鑿

道腴堂詩編卷第十

遊弁山圓證資福多寶積善四寺

落日隨歸飛暝投雙樹宿申且理輕策沿洄碧澗曲繚牆互隱帶  
篁塹屢單複歌呼但樵蘇烟火絕毗俗山門逐徑成翳翳蔽叢木  
跛石愛泉清聞鐘知寺屬伽藍共凋殘苔痕生佛足緇流半老病  
梵行不相督客來無珍新隨意設茗粥逍遙堪送日飲啜亦果腹  
未須空諸有只此吾所欲

題韓怡園遊道場山歸夢太白山人詩後

我昔遊歸雲酌酒太初墓緬想挂瓢人庶幾日暮遇先生化後幾  
百年山中遺跡至今傳白骨已隨草木朽精靈往往遊戲青山前  
韓郎家近五湖口四十功名棄芻狗怡園年四十一歲薦後卽不復應試風流文彩舊清  
門求仲先生之孫林下風儀有佳婦載酒曾看陌上花春風緩緩送歸車團  
圞却憶麗居士新詩吟罷長咨嗟歸來一夕談名理彷彿太初還  
不死靈芝宮殿故依然持贈明珠懷裏須更夢覺聞叩門展卷  
欣看舊墨痕青錢三百亟購得摩挲寶惜同瑤琨孫太初與人往來詩詞尺牘古人

雖往不可卽殘編斷簡千秋存乃知相賞在文字精神感召如晤  
言我初疑君言更請讀君詩掀眉一笑復三嘆說夢勿使癡人知  
爲君作歌傳之於異代後人慕君應如斯太初太初當識我名字  
他日清風明月抗手論襟期

遊弁山歸山樵詩來有金鯽池邊追莫及之句蓋曾約其  
同遊未及相待故以坡語見讓也卽用蘇韻謝之

嗟余與君如向禽濟勝有具耽清吟君家蒼蒼隔烟浦一水盈盈  
不得語倉卒僧寮一見君扁舟旋返下與村南山北山從此遠忽  
寄新詞微且婉若下溪山最有名知君不厭刺船行梅街寒香初  
吐萼彷彿參橫斜月落行旂結束莫遲遲九十春光過半時烟霞  
處處勞奔走世間名利皆烏有

薦春臺

極目水村山郭依然豐草長林自有何人載酒重來此地鳴琴

壽聖寺月夜二首

宋端師  
子道場

道腴堂詩編卷第十

三

春來幾佳夕明月到僧廬已罷魚山梵閑拋貝葉書照空千嶂夕  
流影萬林虛坐久離言說心清勝獨居  
稍稍忘幽閒澄懷此不孤何嘗識師子底用問狸奴世味刀頭蜜  
禪心衣上珠明朝石門路端藉瘦筇扶

遊石門山

亂嶂互綿亘茲巖獨欹寄排空削雙壁繚繞青雲梯韜樹限闌闕  
闕泉扼屢屨千仞背遠巡足二分外垂直上駕飛鳥浩蕩天風吹  
迢迢盼重湖遠靄相蔽翳木末謁孤僧壑底窺潛嶠森梢擁臺殿  
嚙噬臨堦基草豐鹿養茸厓圻猿挂枝暇日照平楚晦明無定姿  
絕頂方息心修途詎忘疲歸來踏閣望蒼蒼烟翠迷

由壽聖寺往米堆山道中看梅

林密山影沉遐睎引幽步逶迤覓蹊術遂入花深處啾啾翠羽鳴  
上下游蜂聚枝繁光愈炫日暖香彌濃泉澗每清淺籬落緬回互  
恍牽河渚舟疑攀鄧尉樹同人淹久留精舍勞屢顧茶版次第聞

隨意愜懽趣未遑解角巾何妨繫芒屨他年思穎詩茲情孰予喻  
同馮留士楊誨仲鄧尉探梅四首

五湖花事好乘興喜相邀柳色駸駸變春風日日飄落帆光福里  
攜屐虎山橋萬落千村裏行歌不憚遙

信宿還元閣聞鐘憶去年林深花作供湖濶水如烟紺宇浮空出  
青山壓坐偏雨花橋上望香色徧諸天

指顧千堆雪高低不辨村草痕遮徑曲人語出籬根處處真仙境  
家家好墓門羅浮明月下應有未招魂

野步迷阡術夤緣任意行杖藜尋石壁歌帽入銅坑吳女香車接  
齊奴錦障橫不須重載酒花氣已如飴

遊支硎報恩寺贈霜洲上人

支公遁跡此山岑初地侵尋累劫深晋代烟霞猶彷彿吳宮粉黛  
已銷沉發函親授莊嚴論墜拂重開談義林借問寂音舊尊者何  
妨文字證禪心

道腴堂詩編卷第十

四

空空谷

趙凡夫  
遊蹟

步屣來空谷趺然喜足音崢嶸連地脉寥濶失天心  
門額寒欄崢嶸四  
字何義門太史題  
本離騷經云崢嶸而  
無地兮上寥濶而無天積翠埋雲市寒香聚石林  
幼輿邱壑裏一往使情  
深

報恩寺老梅

青山本何常閱世若朝夕當年名僧廬曾作幽人宅彈指電露空  
寺古仍舊額惟餘庭前樹風流慨今昔數枝枕坳堂孤幹卧苔石  
花時足流玩遊人幾兩屐山緇識好惡栽培勞護惜雖非召伯棠  
或異諸葛栢中吳續紀聞珍重存古跡緬想種梅人墓田裁咫尺

題法螺精舍二首

綺石籠嘉樹清池曲水澄籬門藏詰曲佛閣聚陵峻題咏多名輩  
壁間有曹秋  
岳先生遺蹟薰修有俊僧天涯流宕客端不負行勝

直踏旋螺頂還尋岸上船澗流周屋下嵐翠滴檐前花氣生苔砌  
香雲近法筵未須離愛染只就此安禪

華山翠巖寺

松路旣宵映，蘚磴還踣躡。層層渙奔雲，參差若攢圖。竒石接蹄股，灌木交扶踈。踈離沓紛競，勢參差或殊。塗澗響谷愈，靜風停鳥呼。憩林午陰薄，枕流春草敷。舉首蓮花峯，青翠承寶柎。鐘梵隔下界，香燈闕精廬。勾吳擅繁華，獨此清淨區。靈境詎天墜，塵囂一時無。孤情得所遣，不覺久踟躕。

姑蘇舟次遇十二兄兼山二首

隔歲聞居公路浦，今朝相見闔閭城。天涯鴻雁音書少，夢裏池塘春草生。浮世未忘搥壁歎，思親難慰倚閭情。虎邱勝蹟空流宕，慚對何家好弟兄。

小時歲月真虛擲，老大情懷百不任。百罰深杯豈辭數，一官春夢杳難尋。恨無飽食貽童僕，喜向殊方認語音。茶磨山前酒城畔，便同荷鍤亦甘心。

夜泊楓橋憶分甘餘話載漁洋先生順治辛丑於此賦詩

道腴堂詩編卷第十

五

計今剛六十年口占一絕句

路近寒山夜泊船，鐘聲漁火尚依然。好詩誰嗣唐張繼，冷落春風六十年。

答楊詢仲見投之作兼懷方文輅二首

幾番離合泣途窮，顧我飄零尙轉蓬。雅喜宅南尋柳暉，羞從城北美徐公。山遊寺宿追陪徧，載酒題襟情款同。回憶西冷傾蓋處，驚心歲月苦慙恩。

平生未覺陳言去，愛爾清詩字字新。把臂又驚春向晚，思家應有夢回頻。何時西子湖頭路，同訪崔家巷裏人。文輅所居試把文章相激賞，青鞋莫只厭長貧。

寒食遊佛川寺五首

排日嬉遊共放狂，今年倍覺討春忙。東風開到閑桃李，落盡梅花尚醉鄉。

一曲青山一曲村，幾叢晴雪散梨雲。草中失路溪流淺，裁問來蹤

又不分

門徑森森竹影連  
鐘魚聲闕沈寥天  
不須花雨空中墮  
徧看山山紫杜鵑

偶從白塔林中坐  
一樹海棠花正紅  
解道春緣原不涉  
紛紛開落總成空

烏榜青筇到處遊  
懶隨太守宴遨頭  
年年澗碧山紅候  
只有僧徒識故侯

碧浪湖阻風遊峴山作

雜花生樹柳啼鶯  
社鼓飴簫處處迎  
西塞漫歌漁父曲  
水邊應續麗人行  
偶然側帽非關醉  
率爾褰裳亦有情  
菴岸風多留客住  
不教辜負此春晴

寄吳虞民宮贊二首

論交十四載  
離合幾蒼茫  
飛伏雄雌異  
音書道里長  
美人侍清讌  
彩筆奉君王  
夜夜金蓮炬  
遙應徹玉堂

道腴堂詩編卷第十

六

平生舊遊好  
顧我最踈頑  
頰似稻中散  
漫如元次山  
麤材愁負俗  
拙計許投閑  
彈指風塵別  
眉摧損壯顏

沈子慕見訪有贈二首

借問荆溪老  
隱居蓬門不出  
幾年餘  
淨名一卷雖拋却  
誰信先生不讀書

種菊吟詩樂事紛  
孤情落穆比閑雲  
自緣胸次無城府  
牛蟻轟轟耳不聞

安吉道中

安吉縣前水滿溪  
平肩輿上萬山齊  
岸迴野渡迷叢篠  
樹密深村感故蹊  
蔓壑支峯天目北  
淡烟喬木夕陽西  
詩情不待經三峽  
隨意荒亭埽壁題

夜宿孝豐城外僧舍

竟日勞筋卜  
暫休粥香茗淡喜  
僧留高林籠月  
山城晚古像懸燈  
佛閣幽一枕烟雲清  
噩夢二春風雨怨  
鳴鳩飄零到處常爲客  
不

比河東歎始遊

且發五山渡別李明府

故人相送罷孤棹亂峯移溪屋喧雲碓村原牧雨師客心愁下瀨  
山鳥喚歸歧落落平生事蒼茫何處期

夜過梅溪

野屋臨溪口檐峯接岸生人烟小市靜山月半輪明倚棹但鄉淚  
望雲多旅情夜涼渾不寐風景愛初晴

寄輪翁太史

黃昏微雨下簾初喜得茗溪雙鯉魚敢擬風流謝康樂漫邀賞識

沈尚書真跡近作在門山詩書來謬蒙比之康樂多情相約重攜手久別方知未棄予只恐

無人識雌霓先生應已賦郊居

偶作二首

區中碌碌總沉埋萬事思量乏好懷儘可易名稱漫漢不妨投款  
署乖厓市瓜取大人情共買菜求多世態皆笑殺鬚髯空似戟從

道腴堂詩編卷第十

七

來矢口盡俳諧

由來絕藝只尋常鳧鶴何須較短長縱使養雞如紀消那能飼虎  
過梁鴛鴦鳴鏞有耳夫人識桃李無言只自芳莫問朱絃清廟瑟要

知牛鐸叶宮商

聞臺灣有警

海雲渺渺隔澎湖萬里天南島嶼孤當日樓船勞漢將多年卉服  
盡皇圖枕戈未見消氛祲謂西廳傳箭重聞啓廟謨一自艤鱗習

戰鬪青燐從古怨孫盧

夜發清溪

水遠山長夜景幽明明溪月照行舟閑吟白石風流句不見欄杆  
一點愁

謝友人寄畫二首

火雲崑崙交初伏常白披襟散髮眠遶郭溪山頓遊眺憑君移向  
枕函邊

青壁緣雲絕澗窮  
冷泠素練起秋風  
乞君更剪吳淞水

杜詩剪取吳淞半江水  
唐詩欲將張翰江東雨畫作屏風奇鮑肥

### 凌霄花

翠蔓蒼蒼繞屋斜  
翠幕靡靡周遮憑  
凌不畏三庚火奮迅能開  
六月花山鬼悲風披薜荔  
茅齋青壁走龍蛇  
自緣草木真豪傑  
洛

下爭傳宰相家

見涑水紀聞

### 卽事二首

辛丑五月某歲盜賊竊發上命浙江將軍塔拜領兵移駐福州

挿羽來江渚連營逼海墘  
水犀方帶甲鐵騎促防邊  
消息傳聞異烽烟道里懸  
書生空咄咄拊髀計茫然

將軍新授鉞袴褶戒嚴裝  
江路鳴笳吹榕陰拂襴襦  
螳螂空奮臂螳子枉跳梁  
佇掃妖氛淨封泥整舊疆

### 吳小眉太史枉顧雒城寓廬二首

侵尋歲月劇趨趨  
老人行藏轉自慙  
豈意梁鴻依廡下却逢太史滯  
周南帝京文酒思前事  
永日襟裾接燕談  
虞寄杜門兼善病  
早

### 道腴堂詩編卷第十

八

### 年已分玷朝簪

幾年江海狎樵漁  
舊雨何人慰瑟居  
劉并柯亭勞夢想  
停雲落月費躊躇  
溪山此日同杯酒  
雞黍何時訪里閭  
我比嵇康應更懶  
兼無一紙絕交書

### 雒城留別二首

回頭剛六載  
旅宦各三年  
不少投名刺  
寧須送故錢  
酒鐺因病棄  
詩卷破人傳  
父老爭相問  
歸程路幾千

舟楫頻來往  
此番情景殊  
溪橋連祖帳  
山郭轉行轡  
水雪朋交冷  
風波淚眼枯  
忘情吾豈敢  
未免一踟蹰

### 別周荀令

攬袂殊作惡  
絕甚去官時  
世事晚方晤  
人情秋更悲  
閒居愁米貴  
多病覺形衰  
不獨嗟淪落  
消魂是別離

### 石門晚泊

新秋風露爽  
澄寂已涼天  
不雨河流細  
無山地勢偏  
桑麻圍小邑

杭稻滿平田明夜南湖月經年又泊船

西水驛

秋螢漁火一星星竹外籬邊映畫檣西麗橋東一迴宿歸程無數短長亭

嘉禾舟次望馮十畝不至二首

座中食客散如烟蛩駞無依屢列年此日相期惟一老秋風同上

渡江船

無心出岫本閑雲愛結山林麋鹿群未返畊桑被彈劾青衫潦倒始逢君

平望訪王載鸞不值

鶯脰湖邊日向西青林碧水繞長堤蒹蘆秋冷詩人宅莞蒨堂空處士泥樽酒隔年邀唱和春帆回首惜分攜余春間遊吳門爲君停舟一夕留詩爲倩鄰翁說此後音書莫懶題

臺灣凱歌四首

道腴堂詩編卷第十

九

狡獪潢池盜弄兵草間求活負生成只須一旅皆懸首赫赫天

威六幕清

鹿耳門邊殺氣纏師行枕席擁戈船潮翻陰火千重浪日出扶桑

萬竈烟

蟻群枉自致天誅負性含生本不殊聽說九重寬大詔我皇

仁德古來無

尅期旬日便投戈鼓吹聲中壯士歌自識陽侯應助順萬人洗甲海無波

早過無錫看惠山二首

九峯娟秀出雲間篷底聊供一响閑從此摩挲雙倦眼前途留看

潤州山

坡陀九曲畫屏分碧玉溪光銀色雲一軸天然行看子人間空說

顧將軍

將到金陵先寄高樹一秀才

赫赫炎曦逢夏閏布帆早發吳興郡錢唐山水巧勾留使我歸舟  
不得進俛首低眉伺行馬只爲性命須更忍忽忽涼風送秋至七  
載蹉跎同一曠江漲橋南暮解維情典劇如龍奮迅白雲親舍古  
濠州檢點萊衣將省覲心馳鄉國邈幽燕路轉津亭歷常潤運租  
船中夜咏史擊節無人賞孤韻故人咫尺客白下命駕何如千里  
近前言悔失麥秋時春初奉寄有麥秋訪君之節知我胸中生鄙吝作詩火急先送  
邇來日浙江潮有信爲君傳語報平安君家舅氏相問訊謂查可亭

小橋題壁

一渠秋水綠楊灣旅望蒼茫感鬢顏今日得歸江北路閑心猶憶  
浙西山

滁州城西蘭若二首

肩輿來竹所信步得幽尋逕轉蓬塵息門臨灌木陰往來多繫馬  
朝暮有鳴禽只此堪遺世勞勞何以任

何年開淨域茗坐問僧伽梅老庭前樹秋寒砌下花周顛猶有累

道史堂詩編卷第十

十

靈運已忘家未免爲形役休論轉法華

次猶子之源韵送斗岩弟往豫章

蜉蝣身世本蘧廬鴻爪東西少定居江閣題詩空歲月青年相遇滕王閣下山  
程穀馬又崎嶇他鄉潦倒難爲別到日平安好寄書少壯幾時須  
努力臨歧吟望費躊躇

濠梁秋感

客夢落何處一枝棲未能乾坤徒倦眼身世已孤僧痛定心難覓  
形枯病屢增殘宵愁抱影相伴濁油燈

答馮十畝謝送桂花

秋光最娛人幽懷渺難寄支離常負俗落落小同志竭來幟馬閑  
無事役神智天香正芬郁清興偶然遂攀援且淹留連蜷數枝萃  
持以貺素心聞香詮妙義憶君山中居佳樹手親植吟詩堪送老  
消搖見高致茲行肯相從雲龍不予棄投桃辱報瓊風騷勞鼓吹  
咫尺八公山淮南舊遊地觸景思昔人長歌招隱士

十畝復以長篇見貽再答二絕句

夢隄堂前樹拂雲清香疑向月中分秋來幾斛黃金粟領邑三年  
實飽聞  
堂在長興縣治

吳中歲歲載將來估舶連綱列斛裁莫笑濠梁園圃少人間薪價  
比花材

送馮十畝歸茗中二首

一月淮南住素心晨夕同風塵從眼底邱壑自胸中索帶行歌客  
貂裘採藥翁掉頭思舊隱杳杳逐冥鴻

秀嶂明流外長松怪石閒停舟憶相訪桑戶晝常關留此一區宅  
馮有別墅名留此莊平生消受閑未荒三徑在興盡便須還

為馮十畝題族子之源畫菊

一枝霜露感淒辰葉葉花花素玩新移向篁山兼桂渚伴君隱逸  
傳中人

秋日出遊

道腴堂詩編卷第十

十一

不出郊門逾一月荒林搖落漸深秋西風作意送霜信三十病夫  
披薄裘

禪窟寺

世外尋僧萬念輕閑房信宿話無生山圍絕壁風難到雲黯秋空  
雨易成竹色常留當戶綠泉流真覺在山清扶筇未至黃牛谷心  
怯披榛傍險行

途中憎蠅

閉置帷車夢幾廻不知客路有風埃秋蠅掠面渾無賴怪爾適從  
何處來

大柳驛

去年曾上紅于閣在靈隱寺霜葉依然小杜詩今日停車還坐愛未嫌  
風景不同時

偶見

絡繹皇華使驚帆任疾駢識途慙老馬不敢號驕駒驕駒出北史

關山

曾聞天險說褒斜，劍閣嵯峨豈浪誇。笑我遊蹤半天下，三年前亦度仙霞。

全椒山中

道人煮石已成糜，好句流傳韋左司。烏柏丹楓秋正晚，滿山落葉是前期。

和州山中

亂山合沓碧玲瓏，一望霜林紫間紅。彷彿吳興溪上路，驚心不見舊詩筵。

和州湯泉

黃山谷軒轅驪山浴妃子，我本無垢人何須試香水。

望豐樂亭

陵谷未湮泐典情無古今，舊遊一彈指往事十年心。冬暖餘紅葉霜晴，叫野禽行行阻塵轍。林壑杳然深。

道腴堂詩編卷第十

三

臨濠道中

斜陽衰草莽無垠，野屋荒原不見人。賸有好山青一抹，驚風起處又蒙塵。

摩頂

頻年患頭風，岑岑苦爲暴。摩杪謝天梳，何嘗需日帽。負暄

攤飯

黃襖有奇溫，豈曰無衣七。樂哉此茅檐，曝之安且吉。籩簞不能俯，戚施不能仰。一笑謝時人，卧聽衆山響。

搔背

鳥爪無人見，麻姑不可期。是誰將此樂，預遣蔡經知。濯足

日入已三商，關門濯吾足。卧暖黃綢衾，勝於加帝腹。

雪中

文史三冬獨下帷何塵謝絮漸盈墀清時不乏閑鐘鼓誰省西園  
合開詩未解

冬夜偶感有懷高樹一秀才

清遠圖中記往還相看厭厭只愁顏論心獨賞驪黃外玩世徒悲  
尸塚間倦僕觸屏敲句穩鳴烏挈酒較書閑三舟賓客今誰在永  
夕陶陶憶尹班

題龍華寺圖

成化初夏梁尚賓訪予長興屬作此圖

當年着屐訪孱顏一片鐘聲古木間記得解衣槃礴羸焙茶香滿  
大寒山

過龍興寺贈花山僑雲道人

雲山寥落歲寒時籌室閑來訪導師重豎剎竿勤演法博搜梵夾  
愛談詩親攜畚鍤治荒圃手植松筠補舊墀領取廓然無聖語羅  
娑殘劫話前規寺建於明洪武年間

偶然作

道腴堂詩編卷第十

七

魯公拙生事舉家惟食粥不書乞米帖甌罄那能續季疵嗜煎茶  
紗巾而野服一呼博士名毀茶謝身辱我生讓古人甌罄同負俗  
愛閑故多病齋厨厭梁肉七月四斗米不憂食不足清虛藜藿腸  
渣滓久淘漉比來但飲水麴鼠易滿腹茗飲非不中酪漿亦所欲  
蹇淺小夫智精神敝竿牘徒令鄧禹笑未效唐衢哭低低彼何人  
菽菽方有穀

尋白石山

好山如高人偃蹇遠城府惜哉時不遇淪棄遽如許此邦少好事  
荒瘠非樂土廢跡紀勝國樓指不遑數暇時搜志乘咨諏備遊譜  
西郊一由旬輓塔蠹烟鳴當年棲岩寺瓦礫橫斷礎山石尚巉巖  
林薄久無主蕭條香火社初地留殘宇孤僧老病篤相對復聳聳  
閒詢興廢事格格不能吐朔風刮面寒小憇無處所悵然別山靈  
勝情頓消沮

雪中示諸姪

籠爐寒裏手寂寞意殊吹皓色浮簾額清吟凍筆尖扁舟蓑笠興  
三白老農占誰爲調湯餅紛紛正撒鹽

冬夜聞鐘寄僑妻上人二首

遙思禪定處方丈一燈斜烟寺鐘聲近空庭雪色遮吐魚懷寶誌  
燒佛笑丹霞擬却周何累從師受木叉

早年狗微祿偶現宰官身跡徧江南寺心空水底塵帶圍因病減  
詩句惹檀頰未覺知非晚勞生悔解巾

送十二兄返袁浦

質明初釋輒罷酒送君行霜重檐帷暖風晴狸製輕春廻殘歲逼  
湖滿大堤平王事需人急功名唾手成

濠梁祭竈

東堂鵝炙嗟來食閱歷頻年劇可悲此地重來醉司命劔童竈妾  
也相喚

翰林學院學士前兼吏部右侍郎湯西厓先生輓詩四首

道腴堂詩編卷第十

古

當年兩命羨知章學士清華並侍郎天下規模真不忝曲江風度  
本非常盛名一代推詞傑絕筆千秋號墨王猶記登龍初御李鳴

鳴鄰笛是山陽

余初謁先生於置懷使院

不見中郎有典型人琴痛絕淚縱橫歷官共仰冰壺潔薦士群推

水鏡明藝圃淒涼悲碩果夜臺寂寞嘆耆英前身慧業應坡谷臚

馥殘膏丐後生

幾番懷刺謁平津慙媿西華葛屐貧

先生與先大參素稱莫逆

啓事山公能卹舊

與官顏峻未生嗔俄驚警欵成千古回憶音塵已八春

余乙未選長興令別先生於京

卽何日天涯磨鏡具招魂吟罷淚沾巾

西湖別墅比東田

先生有莊在飛來峯下

種樹穿池已有年未獲卜鄰尋舊約

日下鄰先有約故人願問不休官待看伐石表新阡身居魏闕江湖遠名列

儒林國史傳信是一官爲一集

用南史王筠事

挑燈含淚讀遺篇

余收藏先生使黔嵩陽遠

集

崑發姪爲余謄寫詩卷口占四絕句

吾詩愧披沙揀金杳無處不須大材迨未便即飛去  
半生做精神歲月苦鼎鼎留作談笑資持以交酒茗  
等身還計尺衡石劇紛如檢點巾箱裏時添鎮庫書

昆巽性嗜書手錄  
經史諸子數十種

嶺巖容可覆名山豈易藏雖徒喪筆札點訂賴周詳

送馮十畝南歸兼寄王立夫姚玉裁兩同學  
秋序忽已半天涯搖落初登山復臨水極目渺愁予旅伴維寒鴈  
鄉音逢老漁相思舊徒侶爲致數行書

道腴堂詩編卷第十

五

道腴堂詩編卷第十一

雲中 鮑 鈞

待翁



析津集甲

僦居甫定檢次羣書作四絕句

一脫朝衫咏筮塗二字出北史歸來無復舊田廬縱橫十笏維摩室富有

有人間叢脞書魯戰江頭赤馬船騾綱捫束又經年芸香消盡衣魚飽懺悔多生

文字緣自笑生如食蓼蟲書淫傳癖坐途窮州人莫笑衣無副都在長生

質庫中小鬟雖媿康成婢老僕真如穎士奴遣向晴牕理殘帙日斜猶自

冷齋厨 劉諫村見過感贈三首

十年浪跡走江關猶幸相逢髯未斑往事不堪頻屈指沉憂聊得

暫開顏一枝已作忘情計余卷南舊宅久鬻于人聞之諫村云凡四易主矣八口將求沒齒閑太

息浮名真轡景青鞋依舊白衣還 牢落天涯每繫思歸來風景異當時傷心嵇呂音塵絕謂何潔堂先生韓湘蕪

回首江湖落日遲某水某山空舊跡一杯一曲是前期絕交書云時與親舊叙澗

滿目悲涼感昔遊那堪多病媿身謀便呼惡客何妨應薄有虛名

不待求我似黃楊偏厄閨君如萱草可忘憂元都觀裏花零落歲

月崢嶸笑轉眸典寅辛卯問何潔堂先生借余讀書北郭道院與諫村數為交酒之會 涿州雜詩二十二首

兩度旋州里麻衣哭夜臺依然廬室空無復補南陔風景非疇昔  
年華自去來勞生成骨立且晚二毛催  
養拙非真隱明時敢自捐扁螺克口食敗絮擁朝眠青白徒雙眼  
蓬蒿且一屨胸中無鄙事多病也忻然  
覽古傷前史隋家舊築官轉輸來洛口征代向遼東錦纜江都接

渠流沁水通三千殿脚女遺恨此何窮  
亭障連榆塞州圖接易京秋風雕鷲健沙磧雪雲平此日空禾黍  
當年盛甲兵由來畿輔地車馬日營營

極目衡門下春風又一時匆匆皆鬪食衮衮盡台司歲月餘樵斧  
江湖有釣絲花前一樽酒香杳更何期

生來慵作諾甘載性情真世盡妨賢路誰非近要人敝衣村犬怪  
腐肉野鷹馴借問南鄰老青山太古春

隔歲鴿原痛逾年陟叱哀骨寒猶丙舍先叔人先命  
憲兄皆未塋形化自泉臺荒  
忽魂靈降淒涼冷節催臨風慙薄祭泣送紙錢財

有兄同寂寞無子獨淒其各抱幽憂疾俱非少壯時艱難思祖德  
門戶慨宗支歲歲經先孽徬徨淚綆縻

漫笑留空宅偏勞賦小園楊花惟逐水蘭草却當門荆棘猶新澤  
粉榆祇舊恩多時困泥滓消息盼春溫

院插荆籬密厨安土銼低清陰借鄰樹碧草似村蹊心遠居何陋

道腴堂詩編卷第十一

二

途窮物已齊持將謝令僕勞逸迥迴雲泥

食指由來少頻年米價昂囊空隨日糴瓶竭趁墟忙祿仕謀元拙  
書明計未良弟兄三十口故里亦它鄉

雙髻緇塵滿安貧稱布衣愁來春草長坐處亂書圍卓杖妨禽戲  
開簾待燕歸平生知舊少常覺致書稀

一辭銅墨累五度怯春殘閑夢生漁艇新愁集馬鞍晚風沙樹勁  
落日土城寒湖海鶯花好空庭一倚闌

當年慕陶峴今擬置三車野老休爭席名山可寄家茅茨皆化日  
榆柳亦春華隨意須行樂吾生自有涯

井遠申僮約朝朝剖水符持家思健婦慢世媿潛夫生計寧辭拙  
行藏合守株陶公曾運甕筋力謝微軀

野亭溝下水猶繞道元居野樹春啼鳥孤村舊著書荒涼賸墟圃  
風景愛田漁文藻今消歇村翁獨荷鋤

雄武城何在黃虬有舊踪臺曾傳換馬宮竊號潛龍冊史空遺臭

雲山不改容惟餘巨馬水流恨日淙淙

北寺浮圖迥登臨盡一州紀年唐代建遺剎梵王留一水縈祁谷  
千山亘薊邱至今傳往蹟猶自說蚩尤

亂山橫絕漠秀色滿州城花氣三春暖荷香六月清俗情流水遠  
詩思活雲生但乞躬畊地誅茅咏太平

白社城南近時時素侶邀營齋五香水結夏一團瓢彈指成今昔  
重遊竟寂寥此身元幻住何必喻芭蕉

風物宅邦異幽燕土俗強轆轤便遂井軌轍徧康莊石炭經宵熾  
河水隔歲藏如何亦南食生小嗜檳榔

本不謀生產何嘗嘆屢空燈昏聰受月檐淺幙禁風被帽安儒素  
殘機課女紅怪他鄰舍子歌哭夢魂中

坐吟輶并序

余在吳興嘗構一舫取唐張志和傳中語匾曰往來蒼雪間暇日  
數與錢唐詩人金壽門褰裳臨汎啜茗清談命工寫爲雙溪詩話

道腴堂詩編卷第十一

三

圖邑人嘖嘖傳爲佳話北歸以來杜門屏跡每於春秋佳日思欲  
徧遊西山徒有許掾之情苦抱深明之疾是以因循而不可得比  
聞鄰人造車詢其值僅十金度一驢之資不過五六金而已於是  
欣然動念擬置一乘爲消搖山野之具顧囊中羞澀未遑猝辦預  
製一詩一銘以寄意字之曰坐吟輶異日倘得成其志當不與吳  
興故事並傳乎

眞隱不買山隨意得閑放王尼差可人長物車一兩藤笈掛詩瓢  
鷗尾載村釀騁懷雲壑裏抗跡羲黃上詎慕蒲輪徵何必加三望  
山中有白衣遠謝車丞相

友人索贈

昂昂野鶴出雞群布襪青鞋白練裙南路風流城北美落花時節  
記逢君

都下晤馮留士二首

七年相聚故鄣城此日重逢古北平草芥一官心莫逆林泉十畝

計難成鼎湖共仰龍髯絕時聖祖仁皇帝祥宮將赴山陵阿閣爭傳鳳鳥鳴出處優游無不可始初六合正清明

不憚天涯旅食難故交零落且盤桓囊如杜甫休嫌涇屋比王徽尚覺寬泛泛烟波千里遠茫茫人海一身單文成偏值宮車出留

取名山副本看留土重纂周典嗣千字文將子聖祖萬壽獻之楷平甫脫稿而龍馭升遐矣

涿州絕句五首

二十風流絕代姝新眉畫出淺文殊鳳池院裏尼童子奪盡瑤光女聳無

不見童童羽葆存三分王業閭中原惠陵抔土依然在萬里難招

羽帝魂垂柳垂楊夾岸長胡梁河上聽鳴榔一聲歎乃不知處彷彿江南雲水鄉

与臺故址已荒坵巨馬河邊弔白頭更憶嵩陽隱君子古來人物儘風流

道腴堂詩編卷第十一

四

一片瑠璃漾碧漪臨流愛咏石湖詩莫驚水上鴛鴦宿裁過呼鷹放鵲時

送趙芥舟侍衛奉命之楚二首

早侍先皇帝曾邀異數煩賦詩叨主眷垂問感王言一自宮車出重蒙詔旨温卽今膺寵命何以報殊恩

執戟辭丹陛雙旌擁傳車江程漢陽樹風物武昌魚政化知民望官曹聽帝除平生經國志忻見壯行初

經舊遊見村桃一株爛然着花戲咏天艷真如閨苑仙鮮脂紅粉鬪嫵媚眼看長得身材好管領春光十五年

憶西湖山中僧舍

林端小閣倚晴霞快聽松風索煮茶回憶山茨燒笋處幾番開落紫陽花

憶杭州二州諸故人

憶昔鴻蹤徧二州上湖遊罷玉湖遊城南詩客憑誰訊見美苑章詞譜  
市大抵俱近城南也夢逐春潮日夜流君所居或村或

馮留士赴濟南道由涿鹿見訪聞查可亭函問并得高樹  
一金壽門楊誨仲消息作三絕句

暫時難別復難留伏雨關風送客輒莫到明湖恣遊釣江鄉忘却  
有歸舟

半生落魄嘆貧遊垂老關河尚未休惶恐灘頭吟舊句九原遺恨  
古虔州查可亭虔州詩有惶恐灘頭吟恐風之句今正沒于其處真詩識也

高子依然白下留金生方作漢南遊楊郎咫尺金臺畔風雨懷人  
易水頭

良鄉道中

潦盡修途軌跡長馬煩車殆又斜陽吟過灰洞詩情濁行到鹽溝  
秋意涼無限雲山愁極目多時禾黍羨登塲惱人涿北燕南路浪  
擲浮生歲歲忙

道腴堂詩編卷第十一

善果寺

城西喬木蒼然數人稀野徑車塵無雲中忽現寶樓閣林際突湧  
磚浮圖談經此日聚龍象布金往昔輕錙銖寺為勝國某中涓建蕭條講座歷  
四紀寺無主席者迨五十年始延有其人枉使狐精笑馬駒

雍正元年九月遇族子之清於京師盤桓累日追憶青齊  
舊遊忽忽十有四年而先兄容齋下世屈指亦十一年矣

感念今昔用志以詩四首

當年襍被咏鴿原槐蔭軒中聽雨眠回首秋風空涕泪萬人海裏  
泣青塵

歸夢鄉心感激頻重提舊句一酸辛項補余鄉心千里外歸夢五更頭之句庚寅客高州作也環青樹  
色雲門月往劫逃離已失真環青臺名在郡署

一官幾載嘆飄零消息茫如落井甍見古賴有西山顏未改比將  
人世眼還青

兩度麻衣廢蓼莪已丑先大叅見背窮途慟哭故鄉多那堪又洒迴

車淚亞谷西風冷薜蘿

時余將返涿鹿

初冬偶讀牧翁西山看梅諸詩因檢案頭彘峯漁洋兩先生集中之作抄爲一帙附以鄙什題曰思吳集亦猶歐公思穎之意也漫書二絕句於後

一片湖光萬樹梅浮嵐香雪燦成堆舊遊如夢渾難忘引我心從鄧尉回

三老吟魂不可招閑情猶賸舊詩瓢亦知此意終難遂漫與廬陵作解嘲

### 冬夜雜感六首

史遷傳貨殖魯褒論錢神發憤母乃晚諷刺非不真先民曾有言憂道不憂貧不見陶彭澤風流千載人父兮已山邱母兮未合祔何時馬鬣封添種松楸樹天寒骨應冷淒淒感霜露逆旅厭人間哀祈共長暮

隔歲哭兄時石火一朝奄冠蟬有綏過期痛猶劄一從罷彈箏

### 道腴堂詩編卷第十一

六

北史孫世路益顛險向來門闥累聲價善自貶

紹事

昨事已如夢浮雲念念休榮華一彈指誰爲憫窮愁平時賤獄吏今作南冠囚銀鑿聲最苦咄咄對長流

仲兒撲卷時繫可敗獄

去日不堪數憂來復易過悲風下庭樹搖落更如何記與美人別

芙蓉紅泪多佳期杳難再冰雪沒長河

神龍返蒼淵九天雲下迫豺狼當廣路鯨鯢盤大澤峩峩崑崙巔一氣恣旁魄罪言敢矢口恐非折簡客

### 移家京師作

浮世云何住勞生盡轉蓬依然喪家狗真是可憐蟲白屋無閑逸皇輿有異同茫茫人海裏極目幾冥鴻

### 新歲書感二首

衡門兩版但叢書誰道王城有瑟居化日舒長稀剝啄清時寂寞費躊躇二餐不飽厨烟冷八口空憐世味踈瞥眼流光三十五比來豪氣已全除

賸有清閑逐鈍人白詩閑逐鈍人來等閑拋棄舊冠紳情塵早醒三生夢花  
信遲班十日春廻駕自成無藉客鑿坏誰是不羈身愁將倦眼雙  
摩洗看取棋枰局局新

送黎丈麓濱還白下四首

平生遊賞地不到幾年餘忽遇春明別懷君白下廬何時尋笠屐  
一問子雲居風景依稀記因之益感予

不必臨江嘆茫茫集百端雲山兩京別風景六朝殘梅信繁征路

春光滿上關到時逢熟食酌酒近湘蘭黎有亡姬葬湘蘭墓側

惜別難爲贈相逢已恨遲功名當世薄心事古人期失馬寧非福

亡羊總是痴知希我方貴一笑倒深卮

莫遽舍書嘆明時方急賢未歸學士院且反孝廉船况有盈樽酒  
何須負郭田林泉休得計先望祖生鞭

卽事

春光又將半憔悴已年年老大只如此與情胡未然青郵玉河柳

道腴堂詩編卷第十一

七

寒頓禁城烟葑屋聞新語千秋盛事傳時大鶴方舉明籍臨雅之禮

桃花

長安二三月朝朝困風埃不知春已深粗覺景色諧市居遠郊郭  
俗韻難擠排典衰衆悔集情竭萬慮灰焉計花與柳及時生意催  
何來數枝桃瓶中爛熳開天紅渲晴書靨舖含名娃踈寮映南榮  
光艷驚蒿萊平生冶遊心觸迂多悲哀憶昔江南春舟車恣徘徊  
千村互明媚霞綺紛成堆匆匆笑漁郎塵劫將誰裁年時畿南州  
流咏枯河涯娉婷十五女一樹非凡材彈指旋空花歲月不我回  
念此損歡趣真幻何有哉奚論身後名且盡掌中盃載吟崔護詩  
聊以遣予懷

重三雨中

侵曉蕭蕭枕上聞九重宵旰望殷勤數日前上親詣黑龍潭祈禱庭寒暝色生清

晝樹黯輕烟作陣雲樽酒難澆愁滿斛盤餐稀買薺盈斤高力士薺菜詩兩京

買斤長安珠桂居非易誰遣錢刀爲策勳

亡姬墓

碧雲如幔草如茵野鳥山花歲歲春地下未應嫌寂寞一株紅杏墓旁新

偶過城西蘭若贈樂山尼師

王城如海苦波深羨爾幽居祇樹林結習不離菩薩戒威儀自具丈夫心

出家乃大丈夫事唐經山道欽禪師語

談經鵝殿飄花雨演法魚山寫梵音我媿

幅巾男子目

唐維德與當署名

油糍茶點愛相尋

芍藥三首  
貧居欲出無車馬聞說城南芍藥開十里豐宜門外路等閑誰載酒瓢來

壓澹清晨紛入市折枝不費數錢求忍飢且爲翻瓶史好伴盆山供案頭

幾年零落看花心潦倒空餘塵土襟獨坐油窻看過雨濃香闌入短長吟

道腴堂詩編卷第十一

八

護國寺

寶所中華舊靈文半滿真黃頭盡竒服碧眼亦斯民三市金銀氣五侯車馬塵山中有茅屋鐘磬寂無鄰

閏四月晦日

屈指今年暑較遲流光裁及一陰時月雙計食如添口行獨途人強解頰禾黍郊原慳雨澤兵戈貌虎憚邊陲劇憐老大無關念情興偏於野逸宜

不寐

細雨殘燈盡高城禁漏微形骸洛陽卧愁夢白登圍性拙鄰交薄時艱酒負稀青山可長往頭白竟毋歸

雨後對月二首

萬里關山碧六街風露清何人契幽獨常此足平生木雁潛身穩泥龜曳尾輕不寧誇謝謏吾計已先成

此際一樽無澄心浸玉壺按歌人未寢吹笛調彌孤江海多陳迹

乾坤有病軀清輝詎私照無那祇方隅

絕句二首

亂堆殘甃砌花臺一面踈籬搢林梢怪殺鷄雛最佻達錦葵葉底  
啄青苔

金盞叢邊石竹攢丹青能事狀熙荃日長多少春遊夢半是園林  
雨後天

述夢

明月照我室室虛四壁清風披羅帷几榻無塵凝愁絕屬高咏  
流夢滄洲輕三山隔澄景一葦破空明神芝藏葳蕤琪樹交蔥青  
五城十二樓縹緲雲霞生羽衣列仙儔抗手紛來迎邀我凌丹崖  
同躡鸞鶴翎俯視太虛碧一氣鎔銀成百億閭浮提小水環廻汀  
鯨鯢等蠱牙螢火欺繁星不知開闢初造化何冥冥持將詰真宰  
傾倒已忘形

送朱會其還長興

道腴堂詩編卷第十一

九

中年哀樂幾傷魂慘離情恐重論灑水魚羨新讌賞若溪酒醖  
舊寒溫火雲六月關山道烟雨孤篷荷芰村歸謝故人勞夢想

尊人以昭先生天涯憔悴負明恩

休夏

廣澤歸幽巖長松蔭絕壑清風颭寒籟水雪凜寥廓我作如是觀  
胸次方落落奚能空諸有心想無住著聊驅此熱惱一就解脫樂  
日長爨局閑物理細疏鑿蠅營與狗苟庸詎自纏縛山林少達人  
城市有孤鶴造化苦倒置天地乃終錯緬邈舞雩風賢聖不可作  
伏雨連日庭中積水瀾漫鳴兒拍浮籬落間宛然江村景

趣觸目感興鋪綴成篇

泥中不合潛蛟螭洩雲注雨翻庭堦江湖十載飽淪落陸沉滿院  
臨風漪鳴雛拍拍競啾喋能言馴狎誇天隨籬根小草亦生動回  
格棘手丹青師老夫相對卧不起簞紋簾波共瀾瀾華林濠濮方  
會心忽計乘船堪入市縱聞涸轍旋已盈未救枯魚泣魴鯉長安

舊雨幾人來窮巷泥塗車屢回曾說蓬萊有清淺杜陵野老漫生  
哀

苦雨十韻

碧草瓦溝齊踈烟繞屋低病應憐夙貧不厭雞棲食儉宜羨藿  
途窮却杖藜無田憂稼穡失路望雲霓索索攤書坐瀟瀟伏枕逃  
奔濤喧大壑飛瀑落長谿白日千重障青雲萬仞梯陸沉靡畔岸  
津逮少提攜穢里羞除道任泉悔漉泥谷風曾永嘆輕薄一含悽

晴十六韻

聞道 鑾輿出千官鹿苑俱淋漓皆雨立感激競蒿呼至聖天能  
格蒸民困頓蘇 皇仁殊普洽佛力本虛無朝氣西山爽薰風北  
闕煦三庾忻有歲九土慶多稔獨嘆家徒壁空憐田已蕪脅公拙  
生事阮藉哭窮途何處魚羹飯誰家鶴料符勞生謝土偶浮世鄙  
侏儒白日常私照蒼松獨後枯趁起當戶限骯髒倚門樞漫攬登  
車轡難乘蹈海桴鳳棲寧枳棘鷗宿祇菰蘆寶氣于將晦龍媒汗  
道腴堂詩編卷第十一

血瘖夕陽隣暮景珍重迨桑榆

新愁

舊恨已千般新愁復萬端過時猶壘塊到眼更波瀾意氣秋宵寂  
雲霞夢境寬西風殊不惡幽思苦相干

喜黎文滄曙公車至京二首

春色催帆白下迴秋風策蹇又燕臺衣沾齊楚征塵滿面帶江山  
秀氣來桂樹一枝珍上苑金波三殿溢瓊杯杜陵未改羊求徑舊  
雨忻從破蘚苔

珠桂長安不易居羨君來去自蘧蘧頻偕計吏因求祿漫博微官  
便廢書此日積薪應尔耳他年成佛定何如待看抵掌論華屋萬  
鑑黃金百乘車

八月十一日晚晴二首

雨後涼生傍晚晴林風不動絮雲輕半規恰吐中秋月方寸偏含  
萬里情大漠草衰寒露候洞庭木落早鴻聲雲山倘有誅茅地不

廖長鏡浪博名

寂歷荒庭夕眺間斷雲青擁國西山病餘杖履剛宜嬾貧謝朋遊  
慣耐閑滄海何心追逸足華胥無夢老塵顏飄然思逐鷗巨子一  
棹扁舟便不還

秋日

秋日雖佳勝塵居不耐煩不耐煩語出宋書庾登之弟仲文傳米鹽鄰嫗詬歌哭市兒喧  
晝夢嫌堦犬詩情憶峽猿一般郊墅似屋草漸垂垣

送川英從兄之官秦中

聖朝右文兼重武異數榮施邁往古九重掄擢必臨軒沈沈干城  
盡虓虎吾家門闕肇雲中遼左攀龍啓茅土太常紀績史書名開  
國勲庸調鼎俎典朝將相幾何人燕翼貽謀傳世譜謂曾祖大學士公後來  
復有大金吾四叔祖歷官鑾儀使名德桓桓光鞞輔阿兄少壯襲祖封二等阿達哈哈番  
廿載風塵困簪組一朝天子亟召見特錫旌麾領師旅秦中形  
勝古長安天險從來百二數况今凜隴尚防秋萬里輪臺開幕府

道腴堂詩編卷第十一

十一

唐都護漢將軍挿羽傳烽勒諸部上公坐鎮秉茅鉞玉帳材官  
若蜂聚定應顧念到箕裘正好乘時報明主先人名位不難致勿  
使寂寂笑鄧禹弓刀袴褶此長征努力前程鞞勤拊驪駒唱罷戒  
嚴裝珍重陽關酒頻舉

中秋憶舊遊三首

呼吸層霄上長空得月寬聳身同浩蕩放眼一高寒愁破無羈鶴  
詩成有嘯鸞不知塵世隔足底幾重巒俗宗

鳳閣球門外三楓五度間揮盃天颭水擊汰月臨山萬籟孤舟集

浮生客路閑爾時鄉思切流恨望刀環曲江次

吳人多好事勝會虎邱傳風俗沿鴛水笙歌泛象筵錦餅金谷麗

綵筆玉臺妍醉憶南湖月分光照客船駕鶴

秋夕

疎雨下黃昏深燈早上門茶香愁外熟書味酒邊温亂葉堆虫語  
寒雲點雁痕不應塵市跡蕭瑟似林園

枕上書感

露蟲唧唧語庭除，誰解清愁慰病夫。  
窻月有情秋夢冷，壁燈無燄夜吟孤。  
心饒更亮登樓興，境類袁安卧雪圖。  
拭却懷人傷逝類，乾坤何處着吾徒。

卽事口占

獵葉風多逞怒號，冷于冰雪猛于濤。  
年來歷盡炎涼態，肯把輕裘換緼袍。

偶感二首

蕭條風物劇悲涼，老大情懷獨渺茫。  
共覺秋深多好景，不知晷短易斜陽。  
詩同夢得吟前度，醉異無功老是鄉。  
剩有關心在蟲鳥，閑庭啾唧語方長。

萬頃蒼波未易量，釣舟誰復乞餘糧。  
寧知北阮非流輩，詎信南柯是狹鄉。  
玩水望雲憐郭僕，焚香掃地愛韋郎。  
營營軒騎街頭鬧，笑殺青蠅吊客忙。

時有某貴公子喪冠蓋奔走不遑

道腴堂詩編卷第十一

十一

秋夕

月宇暗微雲，嗷嗷有雁群。  
長安百萬戶，寒色與平分。

答人問二首

長安街頭十丈塵，馬蹄得得車轢轢。  
肯勞下馬車前揖，不遠抽身避故人。

宅似禪林身似僧，三餐粥飯別無能。  
只須此福猶難享，庖湑常時冷欲冰。

雜題畫冊三首

人事幾搔首，時情屢看天。  
由來建德國，不遠曉眉前。  
眉洲與仇池，天本靳塵躅。  
憑渠話神遊，吾只信吾目。  
風生木亞枝，灘急水瀾瀾。  
彷彿聞清籟，無聲却是詩。

感興

愁是吾生事，頻年覺更深。  
客來無好語，秋盡少佳音。  
瓠落難成器，桐焦不中琴。  
祇應離嬾緻，眞笑驚禽。

題漂母進食圖四首

曾過淮陰拜古祠心儀漂母勝男兒等閑一飯千金重齒冷巴清擁巨觥

王孫淪落久風塵不免淮陰惡少頰一種英雄誰物色晨炊暮食彼何人

堂堂巾幗庸流食報原無異日謀若使嗟來還噉爾封兒止博頰羨侯

意氣深爲國士哀何妨口腹累奇才當時設遇東堂讌冷炙殘鵝也乞來

自嘲四首

出無輿馬坐無氈散盡縹緗架編留得隱囊棋子褥閉門常日忍飢眠

乍霜天氣小春時獨抱吟肩步屨遲莫笑敝裘寒露肘一生隱几苦耽詩

道腴堂詩編卷第十一

七

微生草草度昏朝魚麥江湖計已遙豈是在齊忘肉味燒菘炊黍勝聞韶

若問生涯懶慢成長生端不及無生神仙官府殊多事浪博人間辭穀名

苦寒

白日淡鄉情嚴霜畏友生傷心曹孟德獨賦苦寒行

偶感

平生不解乘人急舉世惟知炫已長獨笑老夫甘守拙如蟲食蓼鼠搬薑

送黎滄曙釋褐旋里二首

一歲重爲別春冬兩度行科名新進士鄉縣舊南京計決他年約交深往日情關山雖雨雪車騎國門輕

心跡市朝遠聲名窮達殊故山聊可托野鳥漫相呼塵夢還家釋江春逼歲徂憑將一雙鯉消息報潛夫

題雲林畫

枯毫焦墨迥離塵如此林巒別有春却訝茅亭清絕境不知何事竟無人

贈李仙盤

林林人海中盡爲財勢交黃金足意氣津要爭喧呶賤子性寡諧閱歷多見朝失途返鄉井株木困初爻三匝繞故株窮鳥無定巢賃春臯廡下浮世同漚泡平昔親與知棄擲如草芟拊膺起長喙白眼徒嚶嚶多君敦古處賞識到衡茅結契比金石投分逾漆膠輪困俠士腸齷齪鄙斗筲開徑喜筵接龍門許頻敲深談下陳榻飽飲叨郇庖死灰藉吹嘘榮路期騰跑豈知貧薄命入穀終相拋君情重真摯異姓猶同胞歲寒見松柏百尺凌雲梢余分蔽塵網纏縛憐蠨蛸行將荷長鑱短衣不掩骹躬畊樂聖代沒齒深山坳欲別難爲懷感激鳴咬咬詩成闍筆嘆蕪詞媿煩謙

歲暮山居三首

道腴堂詩編卷第十一

古

早年輕跋涉足跡半寰中故國家何托名山志未窮遊秦非病鶴漸陸豈冥鴻咄咄憐殷浩將無怪事同楚澤紉蘭佩南山種豆箕藥籠備不盡宣室召何時且鼓移情操閒吟放膽詩明時無棄物未敢老苗茨夙佩青蓮語常輕萬戶侯自非天下士誰識韓荆州跡異瓜田隱名輸栗里儔王弘門戶寄衰落復誰尤

卽事

寒山萬木風颼颼驚濤千里海門秋五更月落夢初覺憶泊春江第一樓

贈山僧

一笠團焦蕙境諧栽田吃飯是生涯不知幾歷恒沙劫燒盡山中品字柴

